



941  
/





門又仁9  
號 941  
卷 1

一照王氏舊  
于從宋本正

古本孔子家語

京師 書坊 風月堂





孔子家語序

王

肅

註

鄭氏學行五十載矣。自肅成童始志于學。而學  
鄭氏學矣。然尋文責實。考其上下。義理不安。違  
錯者多。是以奪而易之。然世未明其款情。而謂  
其苟駁前師。以見異于前人。乃慨然而歎曰。予  
豈好難哉。予不得已也。聖人之門。方壅不通。孔  
氏之路。枳棘充焉。豈得不開而闢之哉。若無由  
之者。亦非予之罪也。是以撰經禮。申明其義。及



朝論制度。皆據所見而言。孔子二十二世孫有孔猛者。家有其先人之書。昔相從學。頃還家。方取已來。與予取論。有若重規而疊矩。昔仲尼曰。文王既歿。文不在茲乎。天之將喪斯文也。後死者不得與於斯文也。天之未喪斯文。匡人其如予何。言天未喪斯文。故今已傳斯文於天下。今或者天未欲亂斯文。故令從予學。而予從猛得斯論。以明相與孔氏之無違也。斯皆聖人實事之論。而恐其將絕。故特為解。以貽好事之君子。語

云。宰曰。子云吾不試。故藝。談者不知為誰。多妄為之說。孔子家語弟子有琴張。一名宰。字子開。亦字張。衛人也。宗魯死。將往吊。孔子止焉。春秋外傳曰。昔堯臨民以五。說者曰。堯五載一巡狩。五載一巡狩。不得稱臨民以五也。經曰。五載一巡狩。此乃說舜之文。非說堯。孔子說論五帝。各道其異事。於舜云。巡狩天下五載一巡。則堯之巡狩年數未明。周十二歲一巡。寧可言周臨民以十二乎。孔子曰。堯以土德王天下。而色尚黃。



黃土色立土之數故曰臨民以五此其義也

篇目

一卷

相魯 一

始誅 二

王言解 三

大婚解 四

儒行解 五

問禮 六

五儀解 七

二卷

致思 八

三恕 九

好生 十

三卷

觀周 十一

弟子行 十二

賢君 十三

辯政 十四

四卷

六本 十五

辯物 十六

哀公問政 十七

五卷

五顏回 十八

子路初見 十九



在厄

二十

入官

二十一

困誓

二十二

五帝德

二十三

六卷

五帝

二十四

執轡

二十五

本命解

二十六

論禮

二十七

七卷

觀鄉

二十八

郊問

二十九

五刑解

三十

刑政

三十一

禮運

三十二

八卷

冠頌解

三十三

廟制解

三十四

辯樂

三十五

問王

三十六

屈節解

三十七

九卷

七十二弟子解

三十八 本性解

三十九

終記解

四十

正論解

四十一

十卷

曲禮子貢問

四十二

曲禮子夏問

四十三



上官國材宅刊

補註家語成已佈海內。舊板迺屬芻狗。夫淫呂  
謂濁。不昏入矣。激浸淫。於是向古須下斷尾。散  
能始為華本。再據諸家。此汰殺訛。微獨微去。浸  
浸。王氏之舊。亦復厥真云。  
壬戌仲冬  
風月堂

孔子家語卷第一

相魯第一

家註孔子仕魯攝行相事  
故以在篇凡四章

孔子初仕為中都宰。中都魯邑。制為養生送死之節。

長幼異食。如禮年五強弱異任。任謂力作之事。

也。男女別塗。路無拾遺。器不彫飾。彫畫無文為飾。不詐偽為。

四寸之棺。五寸之槨。以槨為槨。因丘陵為墳。不封。聚

墳者也。不樹。不樹。不樹。不樹。行之。一年而西方之諸侯則

焉。魯國在東。故西定公謂孔子曰。學子此法。以

治魯國。何如。孔子對曰。雖天下可系。何但魯國

孔子世家曰魯定  
公九年孔子年五  
十一定公以孔子  
為中都宰  
定其札使過不  
及故謂之節  
至制道路男子  
由右婦人由左  
四寸守其厚  
不封不樹蓋度  
人之札  
西方史記作四方  
定公名宋襄  
公子昭公弟



周官司空掌邦土凡四時地利

物言植物也

或云咸得其所恐傍注攬入

九傳定公元年秋七月癸巳葬昭公於墓道南孔子之為司寇也溝而合諸墓或云九傳冠字當為空

夫子指平子

周官司寇冠掌邦禁

誅盜懲刑

暴亂新嘉同

齊公是公杵臼也

夾谷齊地春秋定

公十年夏公會齊

侯于夾谷

增註無並字

司馬掌軍政之官

主人獻客：酥主人

杜預云某人齊所

滅萊夷也

諺教梁傳作諺

史記作噪

王甫云得附登附

不聚是也

一敢廣類犯也蓋

果敢之意註為

反說辭非矣

方言曰藟夷秋之

總名

而已哉於是二年定公以為司空乃別五土之

性五土之性一曰山林二曰川澤三曰丘陵四曰墳衍五曰原隰而物各得其

取生之宜所生之物各咸得厥所先時季氏葬

昭公于墓道之南季平子逐昭公死于乾侯平子別而葬之昭公之不合近先

也孔子溝而合諸墓焉謂季桓子曰貶君以彰

己罪非禮也桓子平子合之所以掩夫子之不

臣由司空為魯大司寇設法而不用無斲民定

公與齊侯會于夾谷孔子攝相事曰臣聞有文

事者必有武備有武事者必有文備古者諸侯

並出疆必具官以從請具左右司馬定公從之

至會所為壇位土階三等以遇禮相見會遇之禮禮之

簡略揖讓而登獻酢既畢齊使萊人以兵鼓諺

劫定公萊人齊人東夷雷鼓孔子歷階而進以

公退曰士以兵之吾兩君為好藟夷之倖敢以

兵亂之藟夷藟夷秋倖軍所獲虜也言此三

符反非齊君所以命諸侯也藟不謀夏夷不

亂華華夏中之名倖不于盟兵不偪好於神為不祥

於德為僖義於人為失禮君必不然齊侯心忤

於德為僖義於人為失禮君必不然齊侯心忤

增註無並字

京語錄



殺梁傅曰齊人使優  
施舞於魯君之幕  
下

增註手當為首聲  
誤也穀梁傳云  
首足異門而出  
尤傳如下有於字  
而誤也  
還音旋

以與也  
相通也  
梁丘據齊  
壁大夫

嘉樂雅樂也  
象札言象札於野  
七用批裨言無字  
之實也

四邑未詳

臨三都事詳于  
左傳定公八年十  
二年及公羊傳

靡而避之。有頃，齊葵宮中之樂，俳優侏儒戲於  
前。孔子趨進，歷階而上，不盡一等。曰：匹夫癡侮  
諸侯者，罪應誅，請右司馬速加刑焉。於是斬侏  
儒，手足異處。齊侯懼，有慙色。將盟，齊人加載書，  
曰：齊師出境而不以兵車三百乘從我者，有如  
此盟。孔子使茲無還，對曰：魯大而不返我汶陽  
之田，吾以供命者亦如之。齊侯將設享禮，孔子  
以梁丘據曰：齊魯之故，吾子何不聞焉。梁丘據  
魯之故事。○憇去乾  
反併音侏侏諸儒切事既成矣，而又享之，是勤

執事，且犧象不出門。作犧牛及象嘉樂不野合，  
享而既具，是棄禮。若其不具，是用批裨。批不成者  
裨草之似穀者。○用批裨，君辱，棄禮名惡。子盍  
圖之。夫享，所以昭德也，不昭，不如其已。乃不果  
享。齊侯歸，責其群臣曰：魯以君子道輔其君，而  
子獨以夷狄道教寡人，使得罪，於是乃歸所侵  
魯之四邑。及汶陽之田。四邑，鄆、讎、龜陰也。殊特  
汶陽之田，本所要。○鄆  
王問：孔子言於定公曰：家不藏甲。卿大夫稱邑  
家甲，鎧也。邑  
無百雉之城。高丈長丈曰雉。○者當古反古之制也，今



三家都三家之都  
城孟孫食邑成叔  
孫印李孫費  
叔孫下疑脫甄字  
叔孫甄叔孫氏之  
庶子也  
九傳費氏作李  
氏  
武子之臺武子之  
所築也  
頤增註作頤  
勒選錄也  
北音敗  
說文云販買賤賣  
貴者  
六畜馬牛羊豕犬  
鷄也  
儲新序并荀子  
作豫

三家過制請皆損之乃使季氏宰仲由墮三都  
叔孫不得意於季氏因費宰公山弗擾率費人  
以襲魯孔子以公與季孫叔孫孟孫入于費氏  
之宮登武子之臺費人攻之及臺側孔子命申  
句須樂頤勒士衆下伐之費人北遂墮三都之  
城強公室弱私家尊君卑臣政化大行初魯之  
販羊有沉猶氏者常朝飲其羊以詐市人有公  
慎氏者妻淫不制有慎潰氏者奢侈踰法魯之  
鬻六畜者飾之以儲價及孔子之為政也則沉

△承虎曰不儲價不  
加飾互文也

孔子世家曰定公十四  
年孔子年六十六由大  
司寇行攝相事

注之  
當作

猶氏不取朝飲其羊公慎氏出其妻慎潰氏越  
境而徙三月則鬻牛馬者不儲價賣羔豚者不  
加飾男女行者別其塗道不拾遺男尚忠信女  
尚貞順四方客至於邑者不求有司有司常供  
其職客不  
求而有司存焉皆如歸焉言如歸家  
無所之也  
始誅第二  
孔子為魯司寇攝行相事有喜色仲由問曰由  
聞君子禍至不懼福至不喜今夫子得位而喜  
何也孔子曰然有是言也不曰樂以貴下人乎

家語卷一

下句即是也



其增註作于

說苑兩作東  
按朝言外朝也

本作逆

醜惡也

澤潤澤也

一作和足也

於是朝政七日而誅亂政大夫少正卯戮之其

兩觀之下。兩觀闕名。○尸於朝三日。子貢進曰

夫少正卯魯之聞人也。有聲聞人也今夫子為政而始誅之

或者為失乎。孔子曰居吾語汝以其故。天下有

大惡者五而竊盜不與焉。一曰心造而險。二曰

行僻而堅。三曰言偽而辯。四曰記醜而博。醜謂非義

音預。行下孟反。五曰順非而澤。此五者有一於

人則不免。君子之誅而少正卯皆兼有之。其居

處足以說徒成黨。極聚○極其談說足以飾廢

榮矣。其強禦足以返是獨立。此乃人之奸雄者

也不可以不除。夫殷湯誅尹諧。文王誅潘正。周

公誅管蔡。太公誅華士。士之為人。虛偽亦聚黨

後食。穀釜井而飲。信其如此。而太公管仲誅付乙

子產誅史何。凡此七子皆異世而同誅者。以七

子皆異世而同惡。故不可赦也。詩云憂心悄悄

愠于群小。小人成群斯足憂矣。

孔子為魯太司寇。有父子訟者。夫子同控執之。

控。獄牢也。○三月不別其父請止。夫子赦之焉。

○本作榮是也  
增註軒與女同說苑  
作嘉人之雄

七子即尹諧潘正管叔  
蔡叔華士付乙史何也

○情。夏見蓋小人成  
群惡君子君子為也  
心憂群也

○是日同是三月其念  
可解



其往也  
李孫斬

行亦獄也

行

〇不作誠  
試蓋誠之誤論  
曰不戒視成謂之暴  
又韓詩外傳作不戒  
責成或誠通故以  
字相似誤耳

書周書康誥慎分書  
作遜荀子作順

一本作勸  
家註不可者不聽從  
教也

詩小雅節南山篇

試用也

陷言陷于罪也

增註不勝言不勝其  
限之作岸崖也

季孫聞之不悅曰司寇欺余曩告余曰國家必  
先以孝余今戮一不孝以教民孝不亦可乎而  
又赦何哉冉有以告孔子子喟然歎曰嗚呼上  
失其道而殺其下非理也不教以孝而聽其獄  
是殺不辜三軍大敗不可斬也獄狎不治不可  
刑也何者上教之不行罪不在民故也夫慢令  
謹誅賊也徵斂無時暴也不試責成虐也政無  
此三者然後刑可即也書云義刑義殺勿庸以  
即汝心惟曰未有慎事言必教而後刑也庸用也即

謹也則殺皆當以義必用以就汝心之所安當  
謹自謂未有慎事且陳道德以服之以無刑殺  
而後為順是既陳道德以先服之而猶不可  
教而後刑也尚賢以勤之又不可即廢之又不可而後以  
威憚之若是三年而百姓正矣其有邪民不從  
化者然後待之以刑則民咸知罪矣詩云天子  
是毗俾民不迷毗輔也俾使也言師尹不迷是以威  
當毗輔天子使民不迷厲而不試刑錯而不用今世則不然亂其教繁  
其刑使民迷惑而陷焉又從而制之故刑彌繁  
而盜不勝也夫三尺之限空車不能登者何哉



本峻遲終有也  
顏師曰陵遲言如丘陵之逐遲稍卑下也

大戴禮聞上有之字

按四言字皆同意

曲禮云侍坐於君子君子問更端則起而對

家註再不答者見其憤詘以欲答之也

子曰以下至又不應二十字  
極衣使不躡步也

峻故也。百仞之山。重載陟焉。何哉。陵遲故。猶陵也。今世俗之陵遲久矣。雖有刑法。民能勿踰乎。

王言解第三

孔子閑居。曾參侍。孔子曰。參乎。今之君子。唯士與大夫之言聞也。至於君子之言者希也。於乎。吾以王言之。其不出戶牖而化天下。曾子起下。席而對曰。敢問何謂王者言。孔子不應。曾子曰。侍夫子之閑也難。對是以敢問。孔子又不應。曾子請然。而懼。振衣而退。負席而立。有頃。孔子歎。

大戴禮席作序是也

家註行之之曰道得之之曰德  
積按道德之說家  
氏得矣。孝經言孝為  
至德。要道可以見已  
大戴禮道運作千里  
也  
本亦作里是也

遠音旋

息。願謂曾子曰。參。汝可語明王之道。與。曾子曰。非敢以為足也。請因所聞而學焉。子曰。居。吾語汝。夫道者所以明德也。德者所以尊道也。是以非德道不尊。非道德不明。雖有國之良馬。不以其道服乘之。不可以取道理。雖有博地衆民。不以其道治之。不可以致霸王。是故昔者明王。內修七教。外行三至。七教脩然後可以守。三至行然後可以征。明王之道。其守也則必折衝千里之外。其征也則必還師在席之上。故曰。內修七教而



上六勞而脩七教財不  
出而用三至之意

家註君制政令而  
出之者臣受而行  
之者也

政中令行財後財  
生於國於是明王  
用之必制之節

好德對惡貪言言  
行德也

增註耻節之取當為  
知聲之誤也

致一本作至

怨之字一本作之  
八尺曰尋倍尋曰帝

上不勞外行三至而財不費此之謂明王之道

也。曾子曰不勞不費之謂明王可得聞乎。孔子

曰昔者帝舜左禹而右皋陶不下席而天下治

夫如此何上之勞乎。政之不中君之患也。令之

不行臣之罪也。若乃十一而稅用民之力歲不

過三日入山澤以其時而無征關譏市廛皆不

收賦。譏呵也。譏異服。譏異言。及市。此則生財之

路。而明王節之何財之費乎。曾子曰敢問何謂

七教。孔子曰上敬老則下益孝。上尊齒則下益

節。上樂施則下益寬。上親賢則下擇友。上好德

則下不隱。上惡貪則下恥爭。上廉讓則下恥節。

此之謂七教。七教者治民之本也。政教定則本

正矣。凡上者民之表也。表正則何物不正。是故

人君先立仁於己。然後大夫忠而士信。民敦而俗

樸。樸慤原貌。指七教。樸慤普角反。男慤而女貞。六者教之致也。布

諸天下四方而不怨。納諸尋常之室而不塞。等

之以禮。立之以義。行之以順。則民之棄惡如湯

之灌。雪焉。曾子曰道則至矣。弟子不足以明之。

家語卷一



增註誘進也

△上言教之致也下曰政之致也分應上文政教定字

說文曰肘臂節也  
△太宰氏曰千步以下十二字疑衍

吳本錢本並作稽積資  
聚為是 △七音無

單張教及捕魚器  
編細竹以為之

何星曰復種覆也  
星木錢本並如渴之上  
右如餒而食之四字

孔子曰參以為姑止乎又有焉昔者明王之治  
民也法必裂地以封之分屬以理之然後賢民  
無所隱暴民無所伏使有司日省而時考之進  
用賢良退貶不肖則賢者悅而不肖者懼衰  
鰥寡養孤獨恤貧窮誘孝悌選才能此七者修  
則四海之內無刑民矣上之親下也如手足之  
於腹心矣下之親上也如幼子之於慈母矣上下  
相親如此故令則從施則行民懷其德近者悅  
服遠者來附政之致也夫布指知寸布手知尺

一指之當一十

兩手

舒肘知尋斯不遠之則也周制三百步為里千  
步而井三井而埒埒三而雉此說里數不可以  
言井井自方里之  
埒名疑此誤○五十里而都封百里而有國乃為  
福積資裘烏恤行者之有亡是以蠻夷諸夏雖  
衣冠不同言語不合莫不來賓故曰無市而民  
不之無刑而民不亂田獵罩弋罩掩網弋繳射非以盈  
宮室也徵歛百姓非以盈府庫也慘怛以補不  
足禮節以損有餘多信而寡貌其禮可守其言  
可復其迹可獲如渴而飲民之信之如寒暑之



必驗故視遠若邇非道邇也。見明德也是故兵革不動而威用利不施而親萬民懷其惠此之謂明王之守折衝千里之外者也。曾子曰敢問何謂三至。孔子曰至禮不讓而天下治至賞不費而天下士悅至樂無聲而天下民和明王篤行三至故天下之君可得而知天下之士可得而臣天下之民可得而用。曾子曰敢問此義何謂。孔子曰古者明王必盡知天下良士之名既知其名又知其實又知其數及其所在焉然後

諸家本並無明字

因天下之辭以尊之此之謂至禮不讓而天下治。因天下之祿以富天下之士此之謂至賞不費而天下之士悅。如此則天下之明名譽興焉。此之謂至樂無聲而天下之民和。故曰取謂天下之至仁者能合天下之至親也。所謂天下之至明者能舉天下之至賢者也。此三者咸通然後可以征。是故仁者莫大乎愛人智者莫大乎知賢。賢政者莫大乎官能。有土之君脩此三者則四海之內供命而已矣。夫明王之所征必道

下賢字衍

與本錢本並至賢下與者字



巧本作政

政大戴禮作征  
下降字衍

之所廢者也是故誅其君而改其政吊其民而不奪其財故明王之政猶時雨之降降至則民悅矣是故行施彌博得親彌衆此之謂還師在席之上言安安而無憂

### 大婚解第四

孔子侍坐於哀公公問曰敢問人道誰為大孔子愀然作色而對曰君之及此言也百姓之惠也固臣敢無辭而對人道政為大夫政者正也君為正則百姓從而正矣君之取為百姓之所

哀公名將定公子

誰何也

愀七小切色變兒

札記大戴禮  
男女作父子  
信作嚴

男女  
當作  
父子

從君不為正百姓何所從乎公曰敢問為政如之何孔子對曰夫婦別男女親君臣信三者正則庶物從之公曰寡人雖無能也願知所以行三者之道可得聞乎孔子對曰古之為政愛人為大所以治愛人禮為大所以治禮敬為大敬之至矣大婚為大大婚至矣大婚既至冕而親迎親迎者敬之也是故君子與敬為親捨敬則是遺親也弗親弗敬弗尊此愛與敬其政之本與公曰寡人願有言也然冕而親迎不已重乎

一本此作也



鄭玄曰先聖月也

天天下作天地

治字  
禮記大戴禮直上有  
治字

禮

孔子愀然作色而對曰。合二姓之好以繼先聖之後。以為天下宗廟社稷之主。君何謂已重焉。  
魯周公之後。得郊天。故言以。公曰。寡人實固。陋。為天下之主也。愀在九切。  
 不固安得聞此言乎。寡人欲問不能為辭。請少進。孔子曰。天地不合萬物不生。大婚萬世之嗣也。君何謂已重焉。孔子遂言曰。內以治宗廟之禮。足以配天地之神。言宗廟天。地神。神之次。出以直言之禮。足以立上下之敬。夫婦正。則始可以治。正言禮。矣。身正。然可以正人者也。物耻則足以振之。耻事不知禮。足以振教之。國耻足以興之。

耻國不知足。以興起者也。故為政先乎禮。其政之本與。孔子遂言曰。昔三代明王必敬妻子也。蓋有道焉。妻也者。親之主也。子也者。親之後也。敢不敬與。是故君子無不敬。敬也者。敬身為大。身也者。親之支也。敢不敬與。不敬其身。是傷其親。是傷本也。傷其本則支從之而亡。三者。百姓之象也。言百姓。而行身以及身。子以及子。妃以及妃。君能修此三者。則大化胤乎天下。胤。昔太王之道也。出大。王。姜女入亦姜女。國無繆。民愛其身。以及人之身。變其子以及人之子。故曰大王之道。







札記大戴札考作君之及此言

如此言也無如後罪何孔子對曰君子及此言是臣之福也

儒行解第五

孔子在衛冉求言於季孫曰國有聖人而不能  
用欲以求治是猶却步而欲求及前人不可得  
已今孔子在衛衛將用之已有才而以資鄰國  
難以言智也請以重幣言之季孫以告哀公公  
從之孔子既至舍哀公館焉就訛公自阼階孔  
子賓階升堂立侍公曰夫子之服其儒服與孔

節高札十生魯長而之宋而冠焉宋其祖所出也衣少所居之版冠長所居之冠是之謂鄉

留聲留表也

注衣字衍

或云取加取於人而行之取  
中鄭云曰謂不取也

子對曰丘少居魯衣逢掖之衣深衣之長居宋

冠章甫之冠丘聞之君子之學也博其服以鄉

隨其鄉也丘未知其為儒服也公曰敢問儒行孔子

曰畧言之則不能終其物悉數之則留更僕未

可以對留久也僕大僕君燕朝則正位掌儀哀相更衣為之夕將倦使之相代者也哀

公命席孔子侍坐曰儒有席上之珍以待聘上

之珍能敷陳先王之道以為政治夙夜強學以待問懷忠信以

待舉力行以待取德力以待仁義道其自立有如此

者儒有衣冠中動作慎其大讓如慢慢簡小讓



鄭言如威如塊如有所畏  
孔穎達曰粥之柔弱專息兒

孔記忠作中

孔穎達曰冬溫夏涼是陰陽之和處此並為世人所競唯儒者讓而不爭也

孔云

淹浸清池

鄭云蟄虫極身極也

孔云溥濃厚也

如偽大則如威小則如媿難進而易退也粥粥

若無能也其容貌有如此者儒有居處齊難莊齊

難也其起坐恭敬言必誠信行必忠正道塗不

爭險易之利冬夏不爭陰陽之和愛其死以有

待也養其身以有為也其備豫有如此者儒有

不寶金玉而忠信以為寶不祈土地而仁義以

為土地不求多積多文以為富難得而易祿也

易祿而難畜也非時不見不亦難得乎非義不

合不亦難畜乎先勞而後祿不亦易祿乎其近

人情有如此者儒有委之以財貨而不貪淹之

以樂好而不滯劫之以衆而不懼阻之以兵而

不懼阻難也見利不虧其義見死不更其守

鷙虫攫搏不程其勇引重鼎不程其力往者不

悔來者不豫過言不再不再過言流言不極流言相毀不窮

極不斷其威常嚴莊也不習其謀不豫習其謀慮其特立有

如此者儒有可親而不可劫可近而不可迫可

殺而不可辱其居處不過其飲食不溥其過失

可微辯而不可面數也其剛毅有如此者儒有



諸本立作守

忠信以為甲冑。禮義以為干櫓。于櫓也。櫓大戟也。載仁而行。抱義而處。雖有暴政。不更其所。其自立有如

此者。儒有一畝之宮。環堵之室。方丈曰者。一者言其小者也。

篳門圭窬。篳門。荆竹織門也。圭。窬。穿牆為之。如圭也。蓬戶甕牖。蓬。為戶。破甕為牖也。易衣而出。更相易衣也。并日而食。并日。謂一日之糧。以為一食也。

上不敢以諂。其仕有如此者。儒有今

人以居。古人以奢。同誓。今世行之。後世以為指。法也。

若不逢世。上所不受。下取不推。詭諂之民。有比

詭一本作送

身禮記並崇本錢  
本作信讀為伸

黨而危之者。身可危也。其志不可奪也。雖危。猶

起居竟身。其志乃不忘。百姓之病也。起居。居也。竟。終也。

也。言身雖危。動靜猶終身不忘百姓。其憂思有如此者。儒有博學

而不窮。篤行而不倦。幽居而不淫。上通而不困。

禮必以和。優游以法。慕賢而容衆。毀方而瓦合。

去已之大圭角。下與衆人小合。其寬裕有如此者。儒有內稱不

避親。外舉不避怨。程功積事。不求厚祿。程。猶效也。言功

其德。苟利國家。不求富貴。其舉賢援能。有如此

陶瓦其初則圓折  
而四之則方合其  
方復圓



諸本無平字

者。儒有澡身浴德。常自潔靜其身。陳言而伏。言

於君。不靜言而正之。而上下不知也。默而翹之。

又不急為也。言事君清靜。因事而正之。則君不

為。不臨深而為高。不加少而為多。言不因勢世

治不輕。世亂不沮。不自輕。同己不與異己不非

其特立獨行有如此者。儒有上不臣天子。下不

事諸侯。慎靜尚寬。底厲廉惠。強毅以與人。博學

以知服。近文章。雖以分國視之。如錙銖。視之輕

八兩為錙。○弗肯臣仕。其規為有如此者。儒有

愚禮記吳本錢本並作隅

合志同方。營道同術。並立則樂。相下不厭。久別

則聞。流言不信。義同而進。不同而退。其交有如

此者。夫溫良者。仁之本也。慎敬者。仁之地也。寬

裕者。仁之作也。勸遜接者。仁之能也。禮節者。仁

之貌也。言談者。仁之文也。歌樂者。仁之和也。分

散者。仁之施也。儒皆兼此而有之。猶且不敢言

仁也。其尊讓有如此者。儒有不隕穫於貧賤。隕

安。悶不充。詘於富貴。○詘。立勿切。不溷

君王。不累長上。不閱有司。故曰儒。不為君長所







言偃以下見禮記禮運

鄭玄曰得夏四時之吉

乾坤之義夏時之等亦可以觀古之道也

公曰。今之君子。胡莫之行也。孔子對曰。今之君

子。好利無厭。淫行不倦。荒怠慢游。固民是盡。以

遂其心。以怨其政。以忤其衆。以伐有道。求得當

欲。不以其取。言苟求。得當其情。欲而巳。○忤。五故切。虐殺刑誅。不

以其治。夫昔之用民者。由前。用上。所言。今之用民者

由後。用下。所訂。是即今之君子。莫能為禮也。言偃問

曰。夫子之極言禮也。可得而聞乎。孔子言。我欲

觀夏道。是故之杞。夏後封於杞也。而不足徵也。微。吾得

夏時焉。於四時之正。正。我欲觀殷道。是故之宋。

殷後封宋而不足徵也。吾得乾坤焉。乾。天。坤。地。得。天。地。陰。陽。之。書。也。

乾坤之義夏時之等。吾以此觀之。夫禮初也。始

於飲食。太古之時。燔黍。擘豚。古未有釜。鬻燔石之

食。而汗罇而坏飲。罇。地為罇。以手飲之。賁桴而土鼓。猶可

以致敬於鬼神。神。尊德。不。未。備。物。也。及其死也。升屋而號。

告曰。高某復。然後飲腥。苴熟。苴。死。含。以。珠。貝。將。葬。苴。苴。苴。以。遣。奠。以。

送。形體則降。魂氣則上。是謂天望而地藏也。魂。氣

升而在天。形。藏。而在地。故生者南嚮死者北首。皆從其初

也。昔之王者。未有宮室。冬則居營窟。夏則居橧

飲一作飯



巢掘地而居謂之營窟有柴謂之槽在未有火化

食草木之實鳥獸之肉飲其血茹其毛未有絲

麻衣其羽皮後聖有作然後脩火之利範金治

為器用合土作和以以為臺榭宮室戶牖以炮

以燔毛曰炮加以烹煮之曰烹以為醴酪

醴之酒治其絲麻以為布帛以養生送死以事

鬼神故玄酒在室玄酒水也言醴醢在戶醴盎

陳其犧牲備其鼎俎列其琴瑟管磬鐘鼓以其

祝嘏以降其上神上神天神○與其先祖以正

君臣以篤父子以睦兄弟以齊上下夫婦有所

是謂兼天之祐作其祝號犧牲玉帛祝辭玄酒

以祭薦其血毛腥其俎熟其殺言雖有所熟猶

忘古越席以坐藟蒲也疏布以羃羃覆酒巾也衣

其浣帛練染以醴醢以獻薦其燔炙君與夫人

交獻以嘉魂魄嘉善是謂合莫然後退而合烹

合其烹熟之體其大豕牛羊體解其牲實其簋

簋受黍稷也籩豆鉶羹竹曰籩木曰豆鉶所以祝

越

豕註合莫謂契合烹  
冥冥之中也

羔美



系註人道之善莫  
大於孝慈故謂之  
為大祥也

事善本任士

系註為非者上疑  
當有二字

衢字

以孝告祝通孝子。以慈告語於先祖。故語傳先祖。是為大祥。此禮之大成也。

五儀解第七

哀公問於孔子曰：寡人欲論魯國之事，與之為治，敢問如何取之。孔子對曰：生今之世，志古之道，居今之俗，服古之服，舍此而為非者，不亦鮮乎？曰：然則章甫、約、衢、履，約、歸也。○鮮，仙善及約俱遇。紳帶、搢笏者，賢人也。紳，大帶。搢，插也。笏，對命書。思對命。孔子曰：不必然也。丘之所言，非此之謂也。夫端衣

君大戴禮荀子並作軍

玄裳，冕而乘軒者，則志不在於食。煮端衣玄裳，

○軒車，君辛菜也。煮許云反。斬衰菅菲，杖而歆粥者，則志不

在於酒肉。生今之世，志古之道，居今之俗，服古

之服，謂此類也。公曰：善哉！盡此而已乎？孔子曰：

人有五儀，有庸人，有士人，有君子，有賢人，有聖

人。審此五者，則治道畢矣。公曰：敢問何如斯可

謂之庸人？孔子曰：所謂庸人者，心不存，慎終之

規，口不吐訓格之言。格，法。不擇賢以託其身，不力

行以自定，見小闇大，而不知所務，從物如流，不



率循也

知其所執此則庸人也。公曰：何謂士人？孔子曰：取謂士人者，心有所定，計有所守，雖不能盡道術之本，必有率也。率猶行也。雖不能備百善之表，必有處也。是故知不務多，必審其所知；言不務多，必審其所謂。所務者謂言之要也。行不務多，必審其所由；智既知之，言既道之。得其行既由之則若性命之形骸之不可易也。富貴不足以益貧賤，不足以損此，則士人也。公曰：何謂君子？孔子曰：所謂君子者，言必忠信，而心不怨。怨各仁義在身，而色

智當作知

本形骸上有於字

不足下有以

增註宛當作苑音鬱

無伐。無伐善之色也。思慮通明，而辭不專，篤行信道，自強不息，油然若將可越，而終不可及者，君子也。油然不進之貌也。越過也。○行下孟反。公曰：何謂賢人？孔子曰：所謂賢人者，德不踰閑。閑法行中規，繩言足以法於天下，而不傷於身。言滿也。○行下孟反。道足化於百姓，而不傷於本。本亦身。富則天下無宛財。宛積也。古或字亦或作此。故施則天下不病貧。此賢者也。公曰：何謂聖人？孔子曰：取謂聖者，德合於天地，變通無方，窮萬事之終始，協庶品之自然，敷其六



几

道而遂成情性明並日月化行若神下民不知其德觀者不識其鄰此謂聖人也。鄰以喻公曰善哉非予之賢則寡人不得聞此言也。雖然寡人生於深宮之內長於婦人之手未嘗知衰未嘗知憂未嘗知勞未嘗知懼未嘗知危恐不足以行五儀之教若何孔子對曰如君之言已知之矣則丘亦無所聞焉。君如此言已為知之故無所復言謙以誘進衰也。公曰非吾子寡人無以啓其心吾子言也。孔子曰君子入廟如右登自阼階仰視榱桷俯察

札進其器皆存而不觀其人君以此思衰則衰可知矣。昧爽夙興正其衣冠。爽明也昧明始明也夙早興起○榱所龜反榱古學反几居履反。平且視朝慮其危難一物失理亂亡之端君以此思憂則憂可知矣。日出聽政至于中真。中真中且反諸侯子孫往來為賓行禮揖讓慎其威儀君以此思勞則勞亦可知矣。綉然長思出於四門周章遠望觀亡國之墟必將有數焉。言亡國故君以此思懼則懼可知矣。夫君者舟也庶人者水也水所以載舟亦所以

本無亦字  
周章徇意 訶



捷故疾人也

食 時

覆舟君以此思危則危可知矣君既明此五者又少留意於五儀之事則於政治何有失矣

哀公問於孔子曰請問取人之法孔子對曰事

任於官言各當以其所無取捷捷無取鉗鉗

對不無取噍噍無取誑誑無取詐詐

而不可為貪也鉗之亂也噍之誑也詐之欺也故弓調而

後求勁焉馬服而後求良焉士必慤而後求智

能者不慤而多能譬之豺狼不可邇言人無智

信不能為大惡不惑信而有智然後乃可畏也

哀公問於孔子曰寡人欲吾國小而能守大則

攻其道如何孔子對曰使君朝廷有禮上下和

親天下百姓皆君之民將誰攻之苟違此道民

畔如婦皆君之讎也將與誰守公曰善哉於是

廢澤梁之禁弛關市之稅以惠百姓弛施

哀公問於孔子曰吾聞君子不博有之乎孔子

曰有之公曰何為對曰為其有二乘公曰有二

乘則何為不博子曰為其兼行惡道也此具博

道也哀公懼焉有間復問曰若是乎君子之惡惡道

物雙曰乘



至甚也。孔子曰：君子之惡，道不甚則好善道亦不甚。好善道不甚，則百姓之親上亦不甚。詩云：未見君子，憂心惓惓。亦既見止，亦既覯止。我心則悅。詩之好善道甚也如此。公曰：羨哉！夫君子成人之善，不成人之惡，微吾子言焉，吾弗之聞也。

哀公問於孔子曰：夫國家之存亡禍福，信有天命，非唯人也。孔子對曰：存亡禍福，皆已而已。天災地妖，不能加也。公曰：善。吾子之言，豈有其事

德猶祥也福也

一本桑穀下有生字

乎。孔子曰：昔者殷王帝辛之世，紂有雀生大鳥於城隅焉。占之曰：凡以小生大，則國家必王而名益昌。於是帝辛介雀之德，介助也。以雀之德為助也。○占章不脩國政，九暴無極，朝臣莫救，外寇乃至，殷國以亡。此即以已逆天時，詭福反為禍者也。又其先世殷王太戊之時，道缺法圯，以致天孽。桑穀于朝，七日大拱。占之者曰：桑穀野木而不合生朝，意者國亡乎。太戊恐駭，側身脩行，思先王之政，明養民之道。三年之後，遠方慕義，重譯至



者十有六國。此即以已逆天時得禍爲福者也。故天災地妖，所以儆人主者也。寤夢徵怪，所以儆人臣也。儆，戒也。災妖不勝，善政寤夢不勝，善行能知此者，至治之極也。唯明王達此，公曰：寡人不鄙固，此亦不得聞君子之教也。

哀公問於孔子曰：智者壽乎？仁者壽乎？孔子對曰：然。人有三死，而非其命也，已自取也。夫寢處不時，飲食不節，逸勞過度者，疾共殺之。居下位而上于其君，嗜慾無厭而求不止者，刑共殺之。以少犯衆，以弱侮強，忿怒不類，動不量力，兵共殺之。此三者死，非命也。人自取之。若夫智士仁人，將身有節，將，行也。動靜以義，喜怒以時，無害其性，雖得壽焉，不亦宜乎。

孔子家語卷第一



孔子家語卷第二

致思第八

增註農當為嶧嶧與桓同齊山名音皆乃高反

於此柱同周礼折羽為旌能虎為旗

軍法殺敵而獻其左耳

說苑並何氏本勇於下有士平慎三者字之

孔子北遊於農山。子路子貢顏淵侍側。孔子四望喟然而歎曰。於斯致思無所不至矣。言思無所不至

二三子各言爾志。吾將擇焉。子路進曰。由願得白羽若月。赤羽若日。鍾鼓之音。上震於天。旂旗纒紛。下蟠于地。蟠委由當一隊而敵之。必也攘地千里。攘却搴旗執馘。馘奪取也。取敵之旗也。唯由能馘截耳也。以效獲也。唯由能之。使二子者從我焉。夫子曰。勇哉。子貢復進曰。



六字

說苑並何氏本辨字  
有去字遷三者字  
之六字

說苑以其類異也  
作二子之言與回  
言異

賜願使齊楚合戰於泜瀆之野。泜瀆廣大之類  
及余掌兩壘相望。塵埃相接。挺刃交兵。賜著縞衣  
白冠。兵凶事故陳說其間。推論利害。釋二國之  
患。唯賜能之。使夫二子者從我焉。夫子曰。辯哉。  
顏回退而不對。孔子曰。回來。汝奚獨無願乎。顏  
回對曰。文武之事。則二子者既言之矣。回何云  
焉。雖然。各言爾志也。小子言之。對曰。回聞薰蕕  
不同器而藏。薰香蕕臭堯桀不共國而治。以其  
類異也。回願得明王聖主。輔相之。敷其五教。敷

說苑並何氏本作美哉  
德字姚者字  
本作辭

刑鑄式也

也五教父義母慈兄弟弟。恭子孝也。導之以禮樂。使民城郭不脩。  
溝池不越。言無踰鑄劍戟以為農器。故牛馬於  
原藪。廣平曰原。澤無水曰藪也。室家無離曠之思。千歲無戰  
鬪之患。則由無所施其勇。而賜無所用其辯矣。  
夫子凜然曰。美哉德也。子路抗手而對曰。夫子  
何選焉。孔子曰。不傷財。不害民。不繁詞。則顏氏  
之子有矣。魯有儉嗇者。尾萑煮食。釜食之自謂  
其美。盛之土型之器。瓦甗。戶經反。型以進孔子。孔子



瓶小盆大口者

食厚取註本作食美

禮飲食必祭

餘餘同

取曰子曰不仁者至物  
積餘猶積藏之亦  
愛而不施

季羔為柴之字

士子

受之而悅。如受大牢之饋。牛羊豕子路曰：「瓦甌

陋器也。糞食，薄膳也。夫子何喜之如此乎？」子曰：

「夫好諫者思其君，食美者念其親，吾非以饌具

之為厚，以其食厚而我思焉。」○甌補

孔子之楚，而有漁者而獻魚焉。孔子不受。漁者

曰：「天暑市遠，無所鬻也。思慮弃之，糞壤，不如獻

之君子，故敢以進焉。」於是夫子再拜受之。使弟

子掃地，將以享祭。門人曰：「彼將弃之，而夫子以

祭之，何也？」孔子曰：「吾聞諸，惜其腐餘，而欲以務

施者，仁人之偶也。惡有受仁人之饋而無祭者

乎？」季羔為衛之士師，欲別人之足，俄而衛有蒯

贖之亂。初，衛靈公太子蒯賾得罪，出奔晉。靈公

於衛也。季羔逃之走郭門，別者守門焉。謂季羔

曰：「彼有缺。」季羔曰：「君子不踰。」又曰：「彼有竇。」季羔

曰：「君子不隧。」從又曰：「於此有室。」季羔乃入焉。

既而追者罷。季羔將去，謂別者：「吾不能虧主之

法，而親別者之足，今吾在難，此正子之報怨之

時，而逃我者三，何故哉？」別者曰：「斷足固我之罪。」

子



一本無之字

說苑悅作脫

六斛四斗曰鍾十鍾益其為司空時之祿

一本無流字

無可奈何曩者君治臣以法令先人後臣欲臣之免也臣知之獄決罪定臨當論刑君愀然不樂見君顏色臣又知之君豈私臣哉天生君子其道固然此臣之所以悅君也孔子聞之曰善哉為吏其用法一也思仁恕則樹德加嚴暴則樹怨公以行之其子羔乎孔子曰季孫之賜我粟千鍾也而交益親得季孫千鍾之粟以施與自衆施交益親○愀在九反自南宮敬叔之乘我車也而道加行孔子欲見老故敬叔言於魯君給孔子車馬問禮於老子孔子歷觀郊廟自周而還弟子四方來習也

道雖貴必有時而後重有勢而後行微夫二子

之貺財則丘之道殆將廢矣孔子曰王者有似

乎春秋正其本而萬物皆正文王以王季為父以太任為

母以太姒為妃以武王周公為子以大顛閔夭

為臣其本美矣武王正其身以正其國正其國

以正天下伐無道刑有罪一動而天下正其事

成矣春秋致其時而萬物皆及王者致其道而

萬民皆洽周公載已行化載亦行矣言行已以行化其身正不令而

也而天下順之其誠至矣曾子曰入是國也言

一作物一作也



信於群臣。而留可也。行忠於卿大夫。則仕可也。澤施於百姓。則富可也。孔子曰。參之言此。可謂善安身矣。

子路為蒲宰。為水備。與其民脩溝洫。以民之勞。煩苦也。人與之簞食。簞。一壺漿。孔子聞之。使子貢止之。子路忿然不悅。往見孔子曰。由也。以暴兩將至。恐有水災。故與民脩溝洫。以備之。而民多匱餓者。是以簞食壺漿而與之。夫子使賜止之。是夫子止由之行仁也。夫子以仁教而禁其

一本食下有二字

行。由不受也。孔子曰。汝以民為餓也。何不自於君。發倉廩以賑之。而私以爾食饋之。是汝明君之無惠。而見已之德。美矣。汝速已。則可不已。則汝之見罪必矣。

子路問於孔子曰。管仲之為人。如何。子曰。仁也。得仁。子路曰。昔管仲說襄公。公不受。是不辯也。欲立公子糾。而不能。是不智也。齊襄公立無常。鮑叔牙曰。君使

民。憫亂將作矣。奉公子小白。出奔莒。公孫無知殺襄公。管夷吾召忽奉公子糾奔魯。齊人殺無知。魯伐齊。納子糾。小白自莒先入。是為桓公。乃殺子糾。召忽死之也。○說輸芮也。家殘



於齊而無憂色是不慈也。桎梏而居檻車無慙心。是無醜也。言無耻惡之心。事所射之君是不貞也。召忽死之。管仲不死是不忠也。仁人之道固若是乎。孔子曰。管仲說襄公。々々不受。公之闇也。欲立子糾而不能。不遇時也。家殘於齊而無憂色。是知權命也。桎梏而無慙心。自裁審也。事所射之君。通於變也。不死子糾。量輕重也。夫子糾未成君。管仲未成臣。管仲才度義。管仲不死。束縛而立功名。未可非也。召忽雖死。過與取仁。未足

才裁通

多也

孔子適齊中路聞哭者之聲。其音甚哀。孔子謂其僕曰。此哭哀則哀矣。然非喪者之哀矣。驅而前。少進見有異人焉。雍鍊帶索哭者不喪。孔子下車。追而問曰。子何人也。對曰。吾丘吾子也。曰。子今非喪之所。奚哭之悲也。丘吾子曰。吾有三失。晚而自覺。悔之何及。曰。三失可得聞乎。願子告吾無隱也。丘吾子曰。吾少時好學。周遍天下。後還。喪吾親。是一失也。長事齊君。君驕奢失士。



焉作乎

臣節不遂。是二失也。吾平生厚交而今皆離絕。是三失也。夫樹欲靜而風不停。子欲養而親不待。往而不來者年也。不可再見者親也。請從此辭。遂投水而死。孔子曰：小子識之。斯足為戒矣。自是弟子辭歸養親者十有三。孔子謂伯魚曰：鯉乎。吾聞可以與人終日不倦者。其唯學焉。其容體不足觀也。其勇力不足憚也。其先祖不足稱也。其族姓不足道也。終而有大名以顯聞四方。流聲後裔者。豈非學者之效也。故君子不可

以不學。其容不可以不飾。不飾無類。無類失親

類宜為貌。惟不飾故無貌。不得言不飾無類也。體兒矜莊然後親愛可冬。故曰無類失親也。○

鎌力反。失親不忠。情不知親則無忠誠。不忠失禮。禮以忠信為本。失

禮不立。非禮則無以立。夫遠而有光者飾也。近而愈明

者學也。譬之汙池。水潦注焉。藿葦生焉。雖或以

觀之。孰知其源乎。源泉源也。水潦注於池而生藿葦。觀者誰知其非源泉乎。

以言學者雖從外入。及其用之。人誰知其非從此出也者乎。○子路見於

孔子曰：負重涉遠。不擇地而休。家貧親老。不擇

祿而仕。昔者由也。事二親之時。常食藜藿之實。



為親負米百里之外親歿之後南遊於楚從車  
百乘積粟萬鍾累茵而坐列鼎而食願欲食藜  
藿為親負米不可復得也枯魚銜索幾何不蠹  
二親之壽忽若過隙孔子曰由也事親可謂生  
事盡力死事盡思者也

孔子之郊郊國名也少昊之後吾之本縣也郊

反遭程子於塗頌蓋而語頌蓋車蓋終日甚相親顧

謂子路曰取束帛以贈先生贈子路眉然對曰

由聞之士不中間見女嫁無媒君子不以交禮

也中間謂有間又顧謂子路子路又對如初孔

子曰由詩不云乎有美一人清揚宛兮邂逅相

遇適我頰兮清揚眉目之間也宛然合願也今程子天

下賢士也於斯不贈則終身弗能見也小子行

之

孔子自衛反魯息駕于河梁而觀焉河水無梁

孔子於呂梁言事有懸水三十仞八尺曰仞懸

也者通潛水為河也圜流九十里圜流回流也魚鼈不能道龜鼉

不能居行道有一丈夫方將厲之厲孔子使人並



涯止之曰。此懸水三十仞。圜流九十里。魚鼈鼉龜  
鼉不能居也。意者難可濟也。丈夫不以措意。遂  
渡而出。孔子問之曰。子巧乎。有道術乎。所以能  
入而出者何也。丈夫對曰。始吾之入也。先以忠  
信。及吾之出也。又從以忠信。措吾軀於波流而  
吾不敢以用私。所以能入而復出也。孔子謂弟  
子曰。二三子識之。水且猶可以忠信成身親之。  
而况於人乎。孔子將行。雨而无蓋。門人曰。商也  
有之。子夏名也。孔子曰。商之為人也。甚愆於財。愆。害也。

吾聞與人交。推其長者。違其短者。故能久也。

楚昭王渡江。江中有物。大如斗。圓而赤。直觸王  
舟。舟人取之。王大怪之。遍問群臣。莫之能識。王  
使使聘于魯。問於孔子。子曰。此所謂萍實者也。

萍。水草也。可剖而食之。吉祥也。唯霸者為能獲焉。使

者返。王遂食之。大羞。久之。使來以告魯大夫。大  
夫因子游問曰。夫子何以知其然。曰。吾昔之鄭  
過乎陳之野。聞童謠曰。楚王渡江。得萍實。大如  
斗。赤如日。剖而食之。甜如蜜。此是楚王之應也。



吾是以知之。

子貢問於孔子曰。死者有知乎。將無知乎。子曰。吾欲言死之有知。將恐孝子順孫。妨生以送死。吾欲言死之無知。將恐不孝之子。弃其親而不葬。賜不欲知死者有知與無知。非今之急。後自知之。子貢問治民於孔子。子曰。懔々焉。若持腐索之扞馬。懔々。戒懼之貌。扞馬。突馬。○扞何且反。子貢曰。何其畏也。孔子曰。夫通達之屬皆人也。以道導之。則吾畜也不以道導之。則吾讎也。如之何其無畏也。

魯國之法。贖人臣妾于諸侯者。皆取金於府。子貢贖之。辭而不取金。孔子聞之。曰。賜失之矣。夫聖人之舉事也。可以移風易俗。而教導可以施之於百姓。非獨適身之行也。今魯國富者寡而貧者衆。贖人受金。則為不廉。則何以相贖乎。自今以後。魯人不復贖人於諸侯。

子路治蒲。請見於孔子。曰。由願受教於夫子。子曰。蒲其何如。對曰。邑多壯士。又難治也。子曰。然。吾語爾。恭而敬。可以攝勇。寬而正。可以懷強。變



而怨。可以容困。言變怨者能容困。窮。○語魚據反。溫而斷。可以抑茲。如此而加之。則正不難矣。

三怨第九

孔子曰。君子有三怨。有君不能事。有臣而求其使。非怨也。有親不能孝。有子而求其報。非怨也。有兄不能敬。有弟而求其順。非怨也。士能明於三怨之本。則可謂端身矣。

孔子曰。君子有三思。不可不察也。少而不學。長無能也。○長丁。大反。老而不教。死莫之思也。有而不施。窮莫之救也。故君子少思其長。則務學。老思其死。則務教。有思其窮。則務施。

伯常騫問於孔子曰。騫固周國之賤吏也。不自以不肖。將北面以事君子。敢問正道宜行。不容於世。正道宜行。而世莫之能貴。故行之則不容於世。隱道宜行。然亦不忍。世亂。則隱道為行。然亦不忍。為隱事。今欲身亦不窮。道亦不隱。為之有道乎。孔子曰。善哉。子之問也。自丘之聞。未有若吾子所問。辯且說也。辯當其理。得其說矣。丘嘗聞君子之言道矣。聽者無察。則道不入。言聽者不明。察道則



不能也。奇偉不稽。則道不信。稽考也。聽道者不能

信。此言有非其人。道不虛行。又嘗聞君子之言事矣。制無度

量。則事不成。其政曉察。則民不保。曉了分察。則

民不安也。又嘗聞君子之言志矣。剛折者不終。剛則

不終其性命矣。徑易者則數傷。徑輕也。志輕則 浩居者

則不親。浩居簡畧。不恭。就利者則無不弊。言好

不可也。又嘗聞養世之君子矣。從輕勿為先。從重

勿為後。赴憂患。從勞苦。輕者宜為。見像而勿強。

像。法也。見法而已。不以陳道而勿佛。佛。說也。陳

與世相違也。此四者丘之所聞也。

孔子觀於魯桓公之廟。有欹器焉。欹。頓。夫子問於

守廟者曰。此謂何器。對曰。此蓋為宥坐之器。孔

子曰。吾聞宥坐之器。虛則欹。中則正。滿則覆。明

君以為至誠。故常置之於坐側。顧謂弟子曰。試

注水焉。乃注之水中。則正。滿則覆。夫子喟然嘆

曰。嗚呼。夫物惡有滿而不覆哉。子路進曰。敢問

持滿有道乎。子曰。聰明叡智。守之以愚。功被天

下。守之以讓。勇力振世。守之以怯。富有四海。守



一本無對字

倨方也拘讀為鉤曲也  
循

之以謙此所謂損之又損之之道也。

孔子觀於東流之水。子貢問曰：君子所見大水

必觀焉何也？孔子對曰：以其不息且遍與諸生

而不為也。夫水似乎德。遍與諸生者物德水而後生水不與生而又不

德也其流也則卑下倨拘音鉤必循其理。此似義浩

々乎無屈盡之期。此似道。流行赴百仞之嶮而

不懼。此似勇。至量必平之。此似法。盛而不求槩。

此似正。綽約微達。此似察。發源必東。此似志。以

出以入。萬物就以化。絜。此似善化也。水之德有

至堂  
作主

若此。是故君子見必觀焉。

子貢觀於魯廟之北堂。出而問於孔子曰：向也

賜觀於太廟之堂。未既輟。還瞻北。蓋皆斷焉。此

觀北面之也彼將有說耶？匠過之也。孔子曰：太廟

之堂。官致良工之匠。々致良材。盡其工巧。蓋貴

久矣。尚有說也。尚猶必也。言必有說。

久堂  
作丈

孔子曰：吾有所恥。有所鄙。有所殆。夫幼而不能

強學。老而無以教。吾恥之。去其鄉。事君而達。卒

遇故人。曾無旧言。吾鄙之。事君而達。得志於君。而見故人。曾無旧言。



一本之下有十字

是弄其平生之旧交。與小人處而不能親賢。吾而無進之心者乎。交。與小人處而不能親賢。吾殆之。殆危也。夫踈賢而近小人。是危亡之道也。

子路見於孔子。々々曰。智者若何。仁者若何。子路對曰。智者使人知己。仁者使人愛己。子曰。可謂士矣。子路出。子貢入。問亦如之。子貢對曰。智者知人。仁者愛人。子曰。可謂士矣。子貢出。顏回入。問亦如之。對曰。智者自知。仁者自愛。子曰。可謂士君子矣。子貢問於孔子曰。子從父命。孝乎。臣從君命。貞乎。奚疑焉。孔子曰。鄙哉賜。汝不識

一本無也字

也。昔者明王萬乘之國。有爭臣七人。則主無過

舉。天子有三公四輔。主謙爭以救其過失也。四輔。前曰疑。後曰丞。左曰輔。右曰弼也。○爭側

反。千乘之國。有爭臣五人。則社稷不危也。諸侯

卿。股肱之臣。有內外者也。故有五人之焉。百乘之家。有爭臣三人。夫

之。臣有室老。家相。邑宰。則祿位不替。父有爭子。

不陷。無禮。士有爭友。不行不義。且雖有臣。既微

臣其君。故須朋友之諫。諍於已。然後不義之事不得行之者也。故子從父命。奚

詎為孝。臣從君命。奚詎為貞。夫能審其所從。審

從。與不。之謂孝。之謂貞矣。子路盛服見於孔子。

本諍作爭後同



一不<sup>作</sup>能所以盛者

子曰由是倨之者何也夫江始出於岷山其源  
可以濫觴酒言其微及其至于江津不舫舟不  
避風則不可以涉非唯下流水多邪今爾衣服  
既盛顏色充盈天下且孰肯以非告汝乎子路  
趨而出改服而入蓋自若也子曰由志之吾告  
汝奮於言者華自矜奮於言者華而無實奮於行者伐自務  
自伐是夫色智而有能者小人也故君子知之曰  
知言之要也不能曰不能行之至也言要則智  
行至則仁既仁且智惡不足哉子路問於孔子

曰有人於此被褐而懷玉何如布衣子曰國無  
道隱之可也國有道則衮冕而執玉衮冕文衣盛飾也

好生第十

魯哀公問於孔子曰昔者舜冠何冠乎孔子不  
對公曰寡人有問於子而子無言何也對曰以  
君之問不先其大者故方思所以為對公曰其  
大何乎孔子曰舜之為君也其政好生而惡殺  
其任授賢而替不肖德若天地而靜虛化若四  
時而變物是以四海兼風暘於異類異類四方



鳳翔麟至鳥獸馴德順無他也好生故也君舍此道而冠冕是問是以緩對。

孔子讀史至楚復陳陳夏徵舒殺其君楚莊王討之因陳取之而申叔時

諫莊王從喟然嘆曰賢哉楚王輕千乘之國而

重一言之信匪申叔之信不能達其義匪莊王之賢不能受其訓。

孔子嘗自筮其卦得賁焉愀然有不平之狀子

張進曰師聞卜者得賁卦吉也而夫子之色有不平何也孔子對曰以其離耶在周易山下有

火謂之賁離下艮上非正色之卦也夫賁也

黑白宜正焉今得賁非吾兆也贖吾聞丹漆不

文白玉不雕何也賁有餘不受飾故也孔子曰

吾於其棠見宗廟之敬也甚矣那伯詩也思其人必愛其樹尊其人必敬其位道也

子路戎服見於孔子拔劍而舞之曰古之君子

固以劍自衛乎孔子曰古之君子忠以為賁仁

以為衛不出環堵之室而知千里之外有不善

則以忠化之侵暴則以仁固之何持劍乎子路

諸家  
持本  
作並

聽彫



曰由乃今聞此言請攝齊以受教。齊，下也。受教者攝齊也。

外楚恭王出遊亡烏嗥之弓。良弓之名。左右請求之。

王曰止。楚王失弓。楚人得之。又何求之。孔子聞

曰惜乎。其不大也。不曰人遺弓。人得之而已。何

必楚也。孔子為魯司寇。斷獄訟。皆進衆議者而

問之。曰子以為奚若。某以為何若。皆曰去々。如

是然後夫子曰當從某子。幾是。近也。重微事。孔故與衆議之。孔

子問漆雕憑曰子事臧文仲。武仲及孺子容。此

三大夫孰賢。對曰臧氏家有守龜焉。名曰蔡文

仲。三年而為一兆。武仲三年而為二兆。孺子容

三年而為三兆。憑從此見之。若問三人之賢與

不賢。所未敢識也。孔子曰君子哉。漆雕氏之子。

其言人之美也。隱而顯。言人之過也。微而著。智

而不能及。明而不能見。孰克如此。克能也。而魯宜為如也。魯

公索氏。先落反。將祭而亡其牲。孔子聞之曰公索

氏不及二年將亡。後一年而亡。門人問曰昔公

索氏亡其祭牲而夫子曰不及二年必亡。今過

暮而亡。夫子何以知其然。孔子曰夫祭者。孝子



一本仁下有人字

本于作為

聞

聽

所以自盡於其親。將祭而亡其牲，則其餘所亡者多矣。若此而不亡者，未之有也。虞芮二國爭田而訟，連年不決，乃相謂曰：西伯仁也。西伯文王盍往質之。盍，何不也。入其境，則耕者讓畔，行者讓路，入其朝，士讓為大夫，大夫讓于卿，虞芮之君曰：嘻，吾儕小人也，儕，等也。不可以入君子之朝，遂自相與而退，咸以所爭之田為闢田矣。孔子曰：以此觀之，文王之道，其不可加焉，不令而從，不教而化，至矣哉。

曾子曰：狎甚則相簡，莊甚則不親，是故君子之狎，足以交歡，其莊足以成禮。孔子聞斯言也，曰：二三子志之，孰為參也，不知禮乎。

哀公問曰：紳委章甫，委，曲貌。章甫，冠名也。有益於仁乎？孔

子作色而對曰：君胡然焉？衰麻苴杖者，志不存乎樂，非耳弗聞，服使然也。黼紱衮冕者，容不褻慢，非性矜莊，服使然也。介冑執戈者，無退懦之氣，非體純猛，服使然也。且臣聞之，好肆不守折，言市弗能為廉，好肆不守折也。而長者不為市，言長者之行，則不為市賈之事。



竊夫其有益與無益君子所以知如且為盜孔子謂

子路曰見長者而不盡其辭雖有風雨吾不能

入其門矣故君子以其所能敬人小人反是

孔子謂子路曰君子以心導耳目立義以為勇

小人以耳目導心不孫以為勇故曰退之而不

怨先之斯可從已言人退之不怨先之則可從足以為師也孔子曰

君子有三患未之聞患不得聞既聞之患弗得

學既得學之患弗能行有其德而無其言君子

恥之有其言而無其行君子恥之既得之而又

失之君子耻之地有餘而民不足君子耻之衆

寡均而人功倍已焉君子耻之凡與功業多少與人同而功殊

倍已故耻之也

魯人有獨處室者隣之鰥婦鰥婦寡也亦獨處一室

夜暴風雨至鰥婦室壞趨而託焉魯人閉戶而

不納鰥婦自牖與之言子何不仁而不納我乎

魯人曰吾聞男女不六十不間居今子幼吾亦

幼是以不納爾也婦人曰子何不如柳下惠然

嫗不逮門之女國人不稱其亂魯人曰柳下惠

不納爾上者故字



則可吾固不可吾將以吾之不可學柳下惠之  
可孔子聞之曰善哉欲學柳下惠者未有似於  
此者期於至善而不襲其為可謂智乎  
孔子曰小辯害義小言破道開睢興于鳥而君  
子羨之取其雌雄之有別麻鳴興於獸而君子  
大之取其得食而相呼若以鳥獸之名嫌之固  
不可行也

孔子謂子路曰君子而強氣則不得其死小人  
而強氣則刑戮荐臻函詩曰殆天之未隕雨徹

彼桑土網繆牖戶

殆及也徹剝也桑土桑根也  
繆天未雨剝取桑根以繆

一季者作此

綿其牖戶喻我國家積累  
之功乃難成之若者也今汝下民或敢侮余

今者周公時言我先王致此大功至艱而下民  
敢侵侮我周道謂管蔡之屬不可不遏絕之以

存周室孔子曰能治國家之如此雖欲侮之豈

可得乎周自右稷積行累功以有爵士公劉重  
之以仁及至太王亶父敦以德讓其樹根置本  
備豫遠矣初太王都豳狄人侵之事之以皮幣  
不得免焉事之以珠玉不得免焉於是屬耆老  
而告曰狄人之所欲吾土地也吾聞之君子不



以所養而害人。二三子何患乎無君。遂獨與大  
姜去之。踰梁山。邑于岐山之下。豳人曰。仁人之  
君。不可失也。從之如歸市焉。天之與周。民之去  
殷久矣。若此而不能天下。未之有也。武庚惡能  
侮。武庚。紂子。名禄父。與管蔡  
共為亂也。○惡。汪胡反。

邶詩曰。執轡如組。兩驂如舞。驂。之與服。  
和謂中節。孔子曰。  
為此詩者。其知政乎。夫為組者。惣紕於此。成文  
於彼。言其動於近。行於遠也。執此法以御民。豈  
不化乎。竿旄之忠告至矣哉。竿旄。之詩者。樂乎  
善道。告人。取喻於

素絲。良馬。如  
組。紕。之義。

孔子家語卷第二

家語卷二



孔子家語卷第三

觀周第十一

孔子謂南宮敬叔曰吾聞老聃博古知今孟僖

子子也老聃老子博古知今而好道通禮樂之原明道德之歸則

吾師也今將往矣對曰謹受命遂言於魯君曰

臣受先臣之命先臣僖子云孔子聖人之後也聖人殷湯

滅於宋孔子之先去宋也其祖弗父何始有國

而授厲公弗父何縉公世子厲公兄也讓國以

宜始始有國及正考父正考父戴武



一本無為上命再  
上夫二字

恭下而壹作於

公宜也。三命茲益恭。命為士一命。為大夫三命。是也。故其鼎

銘曰。於其宗廟。君命銘之。一命而僂。再命而僂。

三命而俯。俯。僂。恭而僂。循墻而走。言甚。亦莫余敢

侮。余我也。我考父也。以其恭如。此故人也。亦莫之侮也。體於是。齔於是。

以餽其口。此。饋。麋也。為糜粥於。此。鼎。言至儉也。其恭儉也。若此。臧

孫統有言。聖人之後。若不當世。統。臧武仲。弗父何。殷湯之後。而

不繼世。則必有明君而達者焉。孔子少而好禮。

其將在矣。將在。孔子屬臣曰。汝必師之。今孔子將適

周。觀先王之遺制。考禮樂之所極。斯大業也。君

蓋以乘資之。臣請與往。公曰。諾。與孔子車一乘。

馬二疋。豎子侍御。敬叔與俱。至周。問禮於老聃。

訪樂於萇弘。弘。周大夫。歷郊社之所。考明堂之則。則。

察廟朝之度。宗廟朝庭。法度也。於是喟然曰。吾乃今知

周公之聖。與周之所以王也。及去周。老子送之。

曰。吾聞富貴者送人以財。仁者送人以言。吾雖

不能富。而竊仁者之號。請送子以言乎。凡當今

之士。聰明深察。而近於死者。好譏議人者也。博

辯閎達。而危其身。好發人之惡者也。無以有已。



本無者字

急當作忍

為人子者。身。有也。無以惡已。為人臣者。言聽則不用。則退。保身全也。孔子曰。敬奉教。自周及魯。道彌尊矣。遠方弟子之進。蓋三千焉。孔子觀乎明堂。觀四門墉。有堯舜之容。桀紂之象。而各有善惡之狀。興廢之誠焉。又有周公相成王。抱之負斧宸南面。以朝諸侯之圖焉。世之博學者。謂周公便履天子之位。失之遠矣。起。反。隱。孔子徘徊而望之。謂從者曰。此周之所以盛也。夫明鏡。所以察形。往古者。所以知今。人主不務襲迹於其所以安存。而急急。所以危亡。

所行當作行

拔

是猶未有以異於却走而欲求及前人也。豈不感哉。孔子觀周。遂入太祖后稷之廟。廟堂右階之前。有金人焉。參緘其口。而銘其背。曰。古之慎言人也。戒之哉。無多言。多言多敗。無多事。多事多患。安樂必戒。雖屬安樂。必警戒也。無所行悔。言當詳而後行。所悔之。可。勿謂不聞。神將伺人。焯焯不滅。炎炎若何。涓涓不壅。終為江河。綿綿不絕。或成網羅。綿綿。細若微。網則有成。毫末不札。將尋斧柯。微也。札。末言至。



一本無者字

或亦作或

一本亦作而

人當作于

一本見下古老字

用也。誠能慎之。福之根也。口是何傷。禍之門也。

強梁者不得其死。好勝者必遇其敵。盜憎主人。

民怨其上。君子知天下之不可上也。故下之。知

衆人之不可先也。故後之。溫恭慎德。使人慕之。

執雌持下。人莫踰之。人皆趨彼。我獨守此。人皆

感之。我獨不徙。感之。東西轉移之貌。

內藏我智。不示人技。我雖尊高。人弗我害。誰能

於此。江海雖左。長於百川。以其卑也。水。海。江。雖。在。

於其左。亦能為一曰。長。以其能下。天道無親。而能下人。戒之哉。

孔子既讀斯文也。顧謂弟子曰。小人識之。音識。

此言實而中。情而信。詩曰。戰戰兢兢。如臨深淵。

如履薄冰。戰戰。恐也。兢兢。戒也。行身如此。豈以口

過患哉。

孔子見聃而問焉曰。甚矣道之於今難行也。吾

比執道。而今委質以求當世之君。而弗受也。道

於今難行也。老子曰。夫說者流於辯。流。猶過也。聽

者亂於辭。知此二者。則道不可以忘也。

弟子行第十二



衛將軍文子衛鞅名也問於子貢曰吾聞孔子之

施教也先之以詩書而導之以孝悌說之以仁

義觀之以禮樂然後成之以文德蓋入室升堂

者七十有餘人其孰為賢子貢對以不知文子

曰以吾子常與學賢者也何為不知子貢對曰

賢人無妄舉人無妄知賢即難故君子之言曰

智莫難於知人是以難對也文子曰若夫知賢

莫不難今吾子親遊焉是以敢問子貢曰夫子

之門人蓋有三千就焉賜有逮及焉未逮及焉

衍千字

故不得徧知以告也文子曰吾子所及者諸聞

其行子貢對曰夫能夙興夜寐諷誦崇禮行不

或過或再也未嘗復行也○行下孟反稱言不苟舉

苟且也不是顏回之行也孔子說之以詩曰媚茲

一人應侯慎德一人天子也應當也侯惟也言

其心惟慎德永言孝思孝思惟則言能長是孝

也則若逢有德之君世受顯命不失厥名以御于

天子則王者之相也在貧如客言不以貧累志

使其臣如借言不有其臣不遷怒不深怨不錄

又五...

五



拱不作為其

舊罪是冉雍之行也。孔子論其材曰：有土之君

子也。有衆使也。有刑用也。然後稱怒焉。言有土

非有象足使。有刑足用。然後可以稱怒。冉雍孔子

告之以詩曰：靡不有初，鮮克有終。冉雍能匹夫

不怒，唯以亡其身。因說不怒之義。遂不畏強禦。

不侮矜寡，其言循性。循其性也。而其都以富。

長材任治戎旅也。是仲由之行也。孔子和之

以文，說之以詩曰：受小拱，大拱而為下國駿厖。

荷天子之龍。孔子曰：和仲由以文說之。以詩此

和也。言受大小法。為下國大厚。不難不悚。敷奏

其勇。敷陳。陳。秦。棟。懼。強乎武哉。文不勝其質。言子路

不勝其質。恭老卹幼。不忘賓旅。寄客也。好學博藝。省

物而勤也。省錄諸事也。是冉求之行也。孔子因而

語之曰：好學則智，卹孤則惠，恭則近，禮勤則有

繼。堯舜薦恭以王天下，其稱之也。曰：宜為國老。

國老助齊莊而能肅志通而好禮。擯相兩君之

事，篤雅有節，是公西赤之行也。子曰：禮經三百，

可勉強也。禮經三百。可勉強而威儀三千，則難

家語卷三



也。能躬行三千之威儀則難公西赤問曰何謂

也。子曰貌以擯禮禮以擯辭是謂難焉。言所為者當觀

客貌而擯相其禮度其禮而衆人聞之以為成

也。孔子語人曰當賓客之事則達矣。衆人聞行

三千之威儀故以為成也。孔子曰當賓謂門人

曰二三子之欲學賓客之禮者其於赤也滿而

不盈實而如虛過之如不及先王難之。盈而如

不及是先王之所難而曾參體其行博無不學其貌恭其德敦其

言於人也無所不信其驕大人也常以浩々然

志大驕大貌也。是以眉壽無所慕富貴安靜虛是

曾參之行也。孔子曰孝德之始也悌之德之序

也。悌以敬長是信德之厚也忠德之正也參中

夫四德者也。以此稱之。美功不伐。貴位不喜。不

侮不佚。侮佚貪功。慕勢之兒。天民之窮而無告

者也。子張之行是顓孫師之行也。孔子言之曰

其不伐則猶可也。其不弊百姓則仁也。不弊

不即取謂也詩曰愷悌君子民之父母。愷樂悌易

教之易以悅安之。民夫子以其仁為大學之深



學而能入其深義也送迎必敬送迎賓客也上交下接若截

焉是卜商之行也孔子說之以詩曰式夷式已

無小人殆殆危矣無以小人至於危也若商也

其可謂不險矣險危也言子夏常厲以貴之不

喜賤之不怒苟利於民矣廉於行已其事上也

以佑其下言所以事上也是澹臺滅明之行也

孔子曰獨貴獨富君子恥之夫也中之矣夫謂滅明

中猶當也○先成其慮及事而用之故動則不

妄是言偃之行也孔子曰欲能則學欲知則問

善則詳欲善其事欲給則豫事欲給而不礙當

是而行偃也得之矣獨居思仁公言仁義其於

詩也則一日三復白圭之玷玷缺也詩云白圭

之玷不可為也是官縮之行也孔子信其能

仁以為異士殊異之士也大戴引之曰以為自

見孔子出入於戶未嘗越禮往來過之足不履

影其言往來常跡也啓蟄不殺春分當發蟄虫啓

殺生也方長不折春夏草木長養執親之喪未嘗見

蔭是高柴之行也孔子曰柴於親喪則難能也



啓蟄不殺則順人道。方長不折則愨仁也。成湯

恭而以愨。是以日躋。躋升也。成湯行恭而能參

去其三面。詩曰。湯降不遲。聖敬日躋。言湯疾行下人之道。其聖敬之德日升聞也。凡此

諸子賜之所親覩者也。吾子有命而訊賜。問賜

也。固不足以知賢。文子曰。吾聞之也。國有道則

賢人興焉。中人用焉。中庸之人。為時用也。乃百姓歸之。若

吾子之論。既富茂矣。壹諸侯之相也。壹皆。○相

抑世未有明君。所以不遇。子貢既與衛將軍文

子言。適魯見孔子。曰。衛將軍文子問二三子行之

於賜。不壹而三焉。賜也辭不獲命。以所見者對

矣。未知中否。○中。○仲反。請以告孔子。曰。言之乎。子

貢以其辭狀告孔子。子聞而笑曰。賜汝次為人

矣。言為知人。之次。子貢對曰。賜也何敢知人。此以賜之

所覩也。孔子曰。然。吾亦語汝耳之所未聞。目之

所未見者。豈思之所不至。知之所未及哉。子貢

曰。賜願得聞之。孔子曰。不克。不忌。不念。旧怨。蓋

伯夷叔齊之行也。思天而敬人。服義而行信。孝

於父母。恭於兄弟。從善而不教道。趙文子之行

思當  
作良



也其事君也不敢愛其死然亦不敢忘其身謀

其身不遺其友君陳則進而用之陳謂陳列使君為君之使

也用不陳則行而退蓋隨武子之行也其為人之

淵源也多聞而難誕誕內植足以沒其世國家

有道其言足以治無道其默足以容蓋銅鞮伯

華之行也外寬而內正自極於隱括之中所以

極自直已而不直人汲々於仁以善自終蓋蘧伯

玉之行也孝恭慈仁允德圖義允信也約貨去

怨夫利怨之所聚故約貨去其怨省其貨以遠去其怨輕財不匱蓋柳下惠之

行也其言曰君雖不量於其身謂不量度其臣

不可以不忠於其君是故君擇臣而任之臣亦

擇君而事之有道順命君有道則無道衡命

也謂不受其命而隱居者也蓋晏平仲之行也蹈忠而行信

終日言不在尤之內尤國無道處賤不悶悶貧

而能樂蓋老來子之行也易行以俟天命易居

下不接其上雖在下位不攀其親其親觀於四方也

不忘其親不盡其樂雖有觀四方之樂常念其親不盡其歸以不

能則學不為已終身之憂凡憂之所知不能則學何憂之有蓋

親字

也



讓

時

介子山之行也。子貢曰：敢問夫子之所知者，蓋盡於此而已乎？孔子曰：何謂其然？亦畧舉耳目之所及而已矣。昔晉平公問祁奚曰：羊舌大夫，晉之良大夫也，其行如何？祁奚辭以不知。公曰：吾聞子少長乎其所，於其所長。○今子掩之，何也？祁奚對曰：其少也恭而順，心有恥而不使其過宿。心常有所恥惡及其其為大夫，悉善而謙。有過不令更宿，輒改。其為大夫，悉善而謙。其端，盡善道而謙，其為輿尉也，信而好直，其功言直，其功至於其為客也，溫良而好禮，博聞而時出，其志，時出，以典出之，悔未及之，是其志也。公曰：曩者問子，子奚曰不知也？祁奚曰：每位改變，未知所所止，是以不敢得知也。又羊舌大夫之行也，子貢跪曰：請退而此記之。

賢君第十三

哀公問於孔子曰：當今之君，孰為最賢？孔子對曰：丘未之見也。抑有衛靈公乎？公曰：吾聞其閨門之內無別，而子次之賢，何也？孔子曰：臣語其朝廷行事，不論其私家之際也。公曰：其事何如？



不朝下有七字

孔子對曰。靈公之弟曰公子渠牟。其智足以治千乘。其信足以守之。靈公愛而任之。又有士林國者。見賢必進之。而退與分其祿。是以靈公無遊放之士。靈公賢而尊之。又有士曰慶足者。衛國有大事。則必起而治之。國無事。則退而容賢。言其所以退者。欲以容賢於朝。靈公悅而敬之。又有大夫史鮪。以道去衛而靈公郊舍三日。琴瑟不御。必待史鮪之入而後敢入。臣以此取之。雖次之賢。不亦可乎。○鮪此由反

何本  
錢本  
作鄭  
無子  
產乎

子貢問於孔子曰。今之人臣。孰為賢乎。子曰。吾未識也。往者齊有鮑叔。鄭有子皮。則賢者矣。子貢曰。齊無管仲。鄭無子產。子曰。賜。汝徒知其一。未知其二也。汝聞用力為賢乎。進賢為賢乎。子貢曰。進賢賢哉。子曰。然。吾聞鮑叔達管仲。子皮達子產。未聞二子之達賢已之才者也。哀公問於孔子曰。寡人聞忘之甚者。從而忘其妻。有諸。孔子對曰。此猶未甚者也。甚者乃忘其身。公曰。可得而聞乎。孔子曰。昔者夏桀。貴為天



子富有四海忘其聖祖之道壞其典法廢其世祀荒于淫樂耽湎于酒佞臣諂諛窺導其心忠士折口逃罪不言杜折口天下誅桀而有其國此謂忘其身之甚矣。

顏淵將西遊於宋問於孔子曰何以爲身子曰恭敬忠信而已矣恭則遠於患敬則人愛之忠則和於衆信則人任之勤斯四者可以政國豈特一身者哉特但故夫不比於數而比於踈不亦遠乎不比親數近踈遠也○此毗志反下同數色角反不修其中而脩

外者不亦及乎慮不先定臨事而謀不亦晚乎孔子讀詩于正月六章惕焉如懼曰彼不達之君子豈不殆哉從上依世則道廢違上離俗則身危時不與善已獨由之則曰非妖即妄也故賢者既不遇天恐不終其命焉桀殺龍逢紂殺比干皆是類也詩曰謂天盖高不敢不局謂地蓋厚不敢不踏此正月六章之辭也局曲也言天至高已不敢不曲身危行也言上軍忌諱也踏累足也言地至厚已不敢不累足懼陷累在位之羅網也此言上下畏罪無取自容也。

觸



子路問於孔子曰賢君治國所先者何孔子曰在於尊賢而賤不肖子路曰由聞晉中行氏行戶尊賢而賤不肖矣其亡何也孔子曰中行氏尊賢而不能去賢者知其不用而怨之不肖者知其必已賤而讎之怨讎並存於國鄰敵搆兵於郊中行氏雖欲無亡豈可得乎剛反行戶

不由字在子路曰下

孔子聞處喟然而歎曰嚮使銅鞮伯華無死則天下其有定矣子路曰願聞其人也子曰其由

幼也敏而好學其壯也有勇而不屈其老也有道而能下人有此三者以定天下也何難乎哉子路曰幼而好學壯而有勇則可也若夫有道下人又誰下哉子曰由不知吾聞以衆攻寡無不克也以貴下賤無不得也昔者周公居家宰之尊制天下之政而猶下白屋之士草屋也日見百七十人斯豈以無道也欲得士之用也惡有有道而無下天下居君子哉胡反惡注齊景公來適魯舍于公館使晏嬰迎孔子孔子

本無居字居當作士



至。景公問政焉。孔子荅曰。政在節財。公悅。又問曰。秦穆公國小處僻而霸。何也。孔子曰。其國雖小。其志大。處雖僻。而其政中。其舉也果。其謀也和。法無私。而令不愉。愉。宜為偷。苟且。愉。容。朱反。首拔五穀。爵之大夫。首。宜為身。五。穀。大夫。百里。奚也。與語三月而授之以政。此取之。雖王。可其霸少矣。景公曰。善哉。

衰公問政於孔子。孔子對曰。政之急者。莫大乎使民富且壽也。公曰。為之奈何。孔子曰。省力後薄賦歛。則民富矣。敦禮教。遠罪疾。則民壽矣。公

及當  
作反

曰。寡人欲行夫子之言。恐吾國貧矣。孔子曰。詩云。愷悌君子。民之父母。未有子富而父母貧者也。衛靈公問於孔子曰。有語寡人。有國家者。計之於廟堂之上。則政治矣。何如。孔子曰。其可也。愛人者。則人愛之。惡人者。則人惡之。知得之已者。則知得之人。所謂不出環堵之室而知天下者。知及已之謂也。

孔子見宋君。君問孔子曰。吾欲使長有國。而列都得之。國之列都。皆得其道。吾欲使民無憾。吾欲使士竭



力。吾欲使日月當時。吾欲使聖人自來。吾欲使官府治理。為之奈何。孔子對曰。千乘之君。問丘者多矣。而未有若主君之問。問之悉也。然主君所欲者。盡可得也。丘聞之。鄰國相親。則長有國。君惠臣忠。則列都得之。不殺無辜。無釋罪人。則民不惑。士益之祿。則皆竭力。尊天敬鬼。則日月當時。崇道貴德。則聖人自來。任能黜否。則官府治理。宋君曰。善哉。豈不然乎。寡人不佞。不足以致之也。孔子曰。此事非難。唯欲行之云耳。

辯政第十四

子貢問於孔子曰。昔者齊君問政於夫子。夫子曰。政在節財。魯君問政於夫子。夫子曰。政在論。臣。葉公問政於夫子。夫子曰。政在恤近。而求遠三者之問一也。而夫子應之不同。然政在異端乎。孔子曰。各因其事也。齊君為國。奢乎臺榭。淫于苑囿。五官伎樂。不懈於時。一旦而賜人以千乘之家者三。故曰。政在節財。魯君有臣三人。子孟乘之家者三。故曰。政在節財。魯君有臣三人。子孟孫季。內比周以愚其君。外誅諸侯之實。以蔽



其明故曰政在論臣夫荆之地廣而都決民有

離心莫安其居故曰政在悅近而來遠此三者

所以為政殊矣詩云喪亂蔑資曾不惠我師無

也資賤也師衆也夫為亡亂之政重賦厚此傷

奢侈不節以為亂者也又曰匪其止共惟王之

印也息也印病也說人不共所此傷茲臣蔽

主以為亂也又曰亂罹瘼矣奚其適歸瘼憂也

言離散以成憂憤禍亂此傷離散以為亂者也

察此三者政之所欲豈同乎哉孔子曰忠臣之

諫君有五義焉一曰諂諫正其事以二曰戇諫

文飾也無三曰降諫卑降其體四曰直諫五曰諷

諫唯度主而行之吾從其諷諫乎諷諫依違遠

子曰夫道不可不貴也中行文子倍道失義以

亡其國而能禮賢以活其身此說倍義失道不

云禮賢不與上相配又文子無禮賢之事中行

文子得罪於晉出亡至邊從者曰此畜夫君之

故人胡不休馬待後者文子曰吾好音此子遺

吾琴好佩豕遺吾玉是以不振吾過自容於吾

者也吾恐其以我求容也遂不入後者至果問

以亡其國然得之猶活其身聖人轉禍為福此

一本相下言次  
二本作從者曰謂此  
畜夫君君子也故休  
馬待駿者子  
一本作車人問文子  
所在報亦不殺也  
一本宜為作以為宜  
為四字

誦

印

一本乱下有者



謂是與

若人將死不入得活故曰轉禍為福

楚王將遊荆臺司馬子祺諫王怒之令尹子西賀於殿下諫曰今荆臺之觀不可失也王喜拊子西之背曰與子共樂之矣子西步馬十里引轡而止曰臣願言有道之主肯聽之乎王曰子其言之子西曰臣聞為人臣而忠其君者爵祿不足以賞也諛其君者刑罰不足以誅也夫子祺者忠臣也而臣者諛臣也願王賞忠而誅諛焉王曰今我聽司馬之諫是獨能禁我耳若後

毋當作祖

世遊之何也子西曰禁後世易耳大王萬歲之後起山陵於荆臺之上則子孫必不忍遊於父母之墓以為歡樂也王曰善乃還孔子聞之曰至哉子西之諫也入之於十里之上抑之於百世之後者也音還子貢問於孔子曰夫子之於子產晏子可為至矣敢問二大夫之所自為夫子之所以與之者孔子曰夫子產於民為惠主於學為博物晏子於君為忠臣而行為恭敏故吾皆以兄事之而加愛敬齊有不足之鳥飛習

而當作於

子西習作集



一本名下有曰

於公朝下止于殿前舒翅而跳齊侯大注之使  
 之聘魯問孔子孔子曰此鳥名商羊水祥也昔  
 童兒有屈其一脚振訊兩肩而跳且謠曰天將  
 大雨商羊鼓舞今齊有之其應至矣急告民趨  
 治溝渠修隄防將有大水為災須之大霖雨水  
 溢泛諸國傷害民人唯齊有備不敗景公曰聖  
 人之言信而有徵矣孔子謂宓子賤曰子治單  
 父衆悅子何施而得之也子語丘所以為之者  
 對曰不齊之治也父恤其子子恤諸孤而哀其  
 喪紀孔子曰善小節也小民附矣猶未足也曰  
 不齊所父事者三人所兄事者五人所友事者  
 十一人孔子曰父事三人可以教孝矣兄事五  
 人可以教悌矣友事十一人可以舉善矣中節  
 也中人附矣猶未足也曰此地民有賢於不齊  
 者五人不齊事之而稟度焉皆教不齊之道孔  
 子歎曰其大者乃於此乎有矣昔堯舜听天下  
 務求賢以自輔夫賢者百福之宗也神明之主  
 也惜乎不齊之以所治者小也

不教不齊下有  
所以治人四字

別本

以字衍



一本作奉天之時

子貢為信陽宰。將行。辭於孔子。孔子曰。勤之慎之。奉天子之時。無奪無伐。無暴無盜。子貢曰。賜也。少而事君子。豈以盜為累哉。孔子曰。汝未之詳也。夫以賢代賢。是謂之奪。以不肖代賢。是謂之伐。緩令急誅。是謂之暴。取善自與。是謂之盜。盜非竊財之謂也。吾聞之。知為吏者。奉法以利民。不知為吏者。枉法以侵民。此怨之所由也。治官莫若平。臨財莫如廉。廉平之守。不可改也。匿人之善。斯謂蔽賢。揚人之惡。斯為小人。內不相訓。而外相謗。非親睦也。言人之善。若已有之。言人之惡。若已受之。故君子無取不慎焉。子路治蒲三年。孔子過之。入其境。曰。善哉。由也。恭敬以信矣。入其邑。曰。善哉。由也。忠信而寬矣。至廷。曰。善哉。由也。明察以斷矣。子貢執轡而問曰。夫子未見由之政。而三稱其善。其善可得聞乎。孔子曰。吾見其政矣。入其境。田疇盡易。草萊甚辟。溝洫深治。此其恭敬以信。故其民盡力也。入其邑。墻屋完固。樹木甚茂。此其忠信以寬。故其民不偷。

下其善二字衍



也。至其庭。之甚清閑。諸下用命。此其言明察以斷。故其政不擾也。以此觀之。雖三稱其善。庸盡其美乎。

孔子家語卷第三

孔子家語卷第四

六本第十五

一本君子下意

孔子曰。行已有六本焉。然後為君子。立身有義矣。而孝為本。喪紀有禮矣。而哀為本。戰陣有列矣。而勇為本。治政有理矣。而農為本。居國有道矣。而嗣為本。繼嗣不立。則亂之萌。生財有時矣。而力為本。置本不固。無務農桑。親戚不悅。無務外交。事不終始。無務多業。記聞而言。無務多說。但記所聞。出說中。故不比近不安。無務求遠。是故反本脩

記



迹君子之道也。

若無利達也  
不病  
謂之正直也  
唯之  
順從也

失者過失也得者  
得也

孔子曰。良藥苦於口而利於病。忠言逆於耳而利於行。湯武以諤之而昌。桀紂以唯之而亡。君無爭臣。父無爭子。兄無爭弟。士無爭友。無其過者。未之有也。故曰。君失之。臣得之。父失之。子得之。兄失之。弟得之。已失之。友得之。是以國無危亡之兆。家無悖亂之惡。父子兄弟無失。而交友無絕也。孔子見齊景公。公悅焉。請置稟仕之邑。以為養。孔子辭而不受。入謂弟子曰。吾聞君子

當功受賞。今吾言於齊君。未之有行。而賜吾邑。其不知。丘亦甚矣。於是遂行。

上言者便者之辭

武 武

孔子在齊。舍於外館。景公造馬。賓主之辭既接。而左右白曰。周使適至。言先王廟災。景公復問災。何王之廟也。孔子曰。此必釐王之廟。公曰。何以知之。孔子曰。詩云。皇之上天。其命不諫。天之以善必報其德。此逸詩也。皇之。皇之。禍亦如之。夫釐王變文武之制。而作玄黃華麗之飾。宮室崇峻。輿馬奢侈。而弗可振也。故天殃取宜。加其廟



不何下有不

珍

不聖下有人

焉。以是占之為然。公曰：天何殃其身而加罰其廟也？孔子曰：蓋以文武故也。若殃其身則文武之嗣無乃珍乎？故當殃其廟以彰其過。俄頃左右報曰：取災者釐王廟也。景公驚起再拜曰：善哉！聖之智過人遠矣。

子夏三年之喪畢，見於孔子。孔子與之琴，使之絃。侃々而樂作，而曰：先王制禮，不敢不及。子曰：君子也。閔子三年之喪畢，見於孔子。孔子與之琴，使之絃。切々而悲作，而曰：先王制禮，弗敢過也。

也。子曰：君子也。子貢曰：閔子哀未盡，夫子曰：君子也。子夏哀已盡，又曰：君子也。二者殊情而俱曰：君子賜也。惑，敢問之。孔子曰：閔子哀未忘，能斲之以禮；子夏哀已盡，能引之及禮。雖均之，君子不亦可乎？

孔子曰：無體之禮，敬也。無服之喪，哀也。無聲之樂，歡也。不言而信，不動而威，不施而仁。志夫鐘之音，怒而擊之則武，憂而擊之則悲，其志變者，聲亦隨之。故志誠感之，通於金石，而况人乎？

志字衍



別本不作可

孔子見羅雀者所得皆黃口小雀夫子問之曰  
大雀獨不得何也羅者曰大雀善驚而難得黃  
口貪食而易得黃口從大雀則不得大雀從黃  
口亦不得孔子顧謂弟子曰善驚以遠害利食  
而忘患自其心矣而獨以所從為禍福故君子  
慎其所從以長者之慮則有全身之階隨小者  
之慙而有危亡之敗也

孔子讀易至於損益喟然而歎子夏避席問曰  
夫子何歎焉孔子曰夫自損者必有益之自益  
者必有決之易損卦次得益之次夫夫決也損

居治本

已必決故吾是以歎也子夏曰然則學者不可  
以益乎子曰非道益之謂也道彌益而身彌損  
夫學者損其自多以虛受人故能成其滿博也  
天道成而必變凡持滿而能久者未嘗有也故  
曰自賢者天下之善言不得聞於耳矣昔堯治  
天下之位猶允恭以持之克讓以接下允信也  
是以千歲而益盛迄今而逾彰夏桀昆吾昆吾  
夏桀自滿而無極亢意而不節斬刈黎民如草

家語卷第四

四



芥焉。天下討之。如誅匹夫。是以千載而惡著。迄  
今而不滅。滿也。如在輿。遇三人。則下之。遇二人  
則式之。調其盈虛。不令自滿。所以能久也。子夏  
曰。商請志之。而終身奉行焉。

子路問於孔子曰。請釋古之道而行。由之意可  
乎。子曰。不可。昔東夷之子。慕諸夏之禮。有女而  
寡。為內私壻。終身不嫁。不嫁則不嫁矣。亦非清  
節之義也。蒼梧嬖。娶妻而美。讓與其兄。讓則讓  
矣。然非禮之讓也。不慎其初。而悔其後。何嗟及

吁

矣。言事至而後悔。今汝欲舍古之道。行子之意。

庸知子意不以是為非。以非為是乎。後雖欲悔  
難哉。

建當  
作捷

曾子耘瓜。誤斬其根。曾皙怒。建大杖以擊其背。  
曾子仆地而不知人。久之。有頃乃甦。欣然而起。  
進於曾皙曰。嚮也參得罪於大人。々々用力教  
參。得無疾乎。退而就房。援琴而歌。欲令曾皙而  
聞之。知其體康也。孔子聞之而怒。告門弟子曰。  
參來勿內。曾參自以為無罪。使人請於孔子。々



曰汝不聞乎。昔蒞叟有子曰舜。々之事蒞叟欲使之。未嘗不在於側。索而殺之。未嘗可得。小槌則待過。大杖則逃走。故蒞叟不犯不父之罪。而舜不失烝々之孝。今參事父。委身以待暴怒。殪而不避。殪。死也。既身死而陷父於不義。其不孝孰大焉。汝非天子之民也。殺天子之民。其罪奚若。曾參聞之曰。參罪大矣。遂造孔子而謝過。

荆公子行年十五而攝相事。孔子聞之。使人往觀其為政焉。使者反曰。視其朝。清淨而少事。其堂上有五老焉。其堂下有二十壯士焉。孔子曰。合兩二十五之智。以治天下。其固免矣。况荆乎。子夏問於孔子曰。顏回之為人奚若。子曰。回之信賢於丘。曰。子貢之為人奚若。子曰。賜之敏賢於丘。曰。子路之為人奚若。子曰。由之勇賢於丘。曰。子張之為人奚若。子曰。師之莊賢於丘。子夏避席而問曰。然則四子何為事先生。子曰。居。吾語汝。夫回能信而不能反。反。謂反信也。君子言不必信。唯義所在耳。賜能敏而不能詘。言人雖辨敏。亦由能勇而不能



能怯師能莊而不能同。言人雖矜莊亦兼四子當有和同時也。兼四子者之有以易吾弗與也。此其所以事吾而弗貳也。

孔子遊於泰山見榮聲期。聲宜為啓或榮益期也。行乎廊

之野。廉裘帶索鼓琴而歌。孔子問曰。先生所以為樂者何也。期對曰。吾樂甚多而至者三。天生萬物唯人為貴。吾既得為人。是一樂也。男女之別。男尊女卑。故人以男為貴。吾既得為男。是二樂也。人生有不見日月不免襁褓者。吾既以行

年九十五矣。是三樂也。貧者士之常死者人之終。處常得終。當何憂哉。孔子曰。善哉。能自實者也。得且為待。

持本作得

孔子曰。回有君子之道四焉。強於行義弱於受諫。怵於待祿。怵怵也。待也。慎於治身。史鯀有君子之道三焉。不仕而敬。上不祀而敬。鬼直已而曲於人。曾子侍曰。參昔者常聞夫子之三言。而未之能行也。夫子見人之一善而忘其百非。是夫子之易事也。見人之有善。若已有之。是夫子



終不下脫及字

之不爭也。聞善必躬行之。然後導之。是夫子之能勞也。學夫子之三言。而未能行。以自知終不

二子者也。

二子。顏回。史鯀也。

孔子曰。吾死之後。則商也。日益。賜也。日損。曾子曰。何謂也。子曰。商也好與賢已者處。賜也好說不若已者處。不知其子。視其父。不知其人。視其友。不知其君。視其所使。不知其地。視其草木。故曰。與善人居。如入芝蘭之室。久而不聞其香。即與之化矣。與不善人居。如入鮑魚之肆。久而不

聞其臭。亦與之化矣。丹之所藏者赤。漆之所藏者黑。是以君子必慎其所與處者焉。

曾子從孔子于齊。景公以下卿之禮聘曾子。

曾子固辭。將行。晏子送之。曰。吾聞之。君子遺人

以財。不若善言。今夫蘭之本三年湛之以漉醕。

既成。噉之。則易之。匹馬非蘭之本性也。所以湛

者美矣。願子詳其所湛者。夫君子居必擇處。遊

必擇方。仕必擇君。擇君。取以求仕。擇方。所以脩

道。遷風移俗。者。嗜慾移性。可不慎乎。孔子聞之。

漉醕一本作鹿醕

蘭之衍之字

此字衍



不窮下有也字  
與當作以

曰晏子之言君子哉。依賢者固不困。依富者固  
不窮。馬駘斬足而復行。何也。以其輔之者衆。  
孔子曰。與富貴而下人。何人不尊。以富貴而愛  
人。何人不親。發言不逆。可謂知言矣。言而衆嚮  
之。可謂知時矣。是故以富而能富人者。欲貧不  
可得也。以貴而能貴人者。欲賤不可得也。以達  
而能達人者。欲窮不可得也。

孔子曰。中人之情也。有餘則侈。不足則儉。無禁  
則淫。無度則逸。從欲則敗。是故鞭扑之子。不從  
父之教。刑戮之民。不從君之令。此言疾之難忍。  
急之難行也。故君子不急斷。不急制。使飲食有  
量。衣服有節。宮室有度。畜積有數。車器有限。所  
以防亂之原也。夫度量不可不明。是中人所由  
之令。教令也。

孔子曰。巧而好度必攻。攻。堅也。勇而好問必勝。智而  
好謀必成。以愚者反之。是以非其人。告之弗聽。  
非其地。樹之弗生。得其人。如聚砂而雨之。言立也。  
非其人。如會擊而鼓之。夫處重檀寵。專事姦賢。



愚者之情也。位高則危，任重則崩，可立而待。孔子曰：舟非水不行，水入舟則沒。君非民不治，民犯上則傾，是故君子不可不嚴也，小人不可不整也。

齊高庭問於孔子曰：庭不曠山，不直地。庭高庭也。不以山為隔，喻山而來。直衣穰而提，贊穰高

不遠來也不當作而持下當有也字執字宜在以下

也。宜為植，不根於地，不遠來也。直衣穰而提，贊穰高提，持贊所以精氣以問事。君子之道，願夫子告

之。孔子曰：貞以幹之。貞正以為幹植敬以輔之。施仁無

倦，見君子則舉之，見小人則退之。去汝惡心而

忠與之，效其行，脩其禮。千里之外，親如兄弟，行

不效，禮不脩，則對門不汝通矣。夫終日言不遺

已之憂，終日行不遺已之患，唯智者能之。故自

脩者，必恐懼以除患，恭險以避難者也。終身為

善，一言則敗之，可不慎乎。

辯物第十六

季桓子穿井，獲如土缶，其中有羊焉。使之問孔

子曰：吾穿井於費，而於井中得一狗，何也？孔子

曰：丘之所聞者，羊也。丘聞之，木石之怪，夔、罔、魍。

一本則字衍



水之恠。龍圖象土之恠。犢羊也。

吳伐越。隨會稽。其王夫差敗越王勾踐。栖於會稽。其又隨之會稽山也。隨。毀也。

獲巨骨一節。專車焉。吳子使來聘於魯。且問之。

孔子命使者曰。無以吾命也。賓既將事。乃發幣。

於大夫。及孔子。賜孔子爵之。飲既徹俎而

燕。客執骨而問曰。敢問骨何如為大。孔子曰。丘

聞之。昔禹致群臣於會稽之山。防風後至。禹殺而

戮之。其骨專車焉。此為大矣。客曰。敢問誰守為

神。孔子曰。山川之靈。足以紀綱天下者。其守為

神。守山川之祀。社稷之守為公侯。山川之祀者。無

直為公侯而已。山川之祀者。為諸侯。皆屬於王。神與公

也。客曰。防風何守。孔子曰。汪芒氏之君。守封嵎

山者。汪芒。國名。封嵎。山名。為漆姓。在虞夏商為汪芒氏。於

周為長翟氏。今日大人。周之初。及當孔子之時。其名異也。有客

曰。人長之極。幾何。孔子曰。焦僥氏長三尺。短之

至也。長者不過十。數之極也。

孔子在陳。惠公賓之于上館。時有隼。集于陳

侯之庭而死。隼。鳥也。始集。庭便死。楛矢貫之。石弩。楛。木名。箭鏃。

衍有字

夫



一本天下有也字  
一本注無氏字  
北夷下有國名字

其長尺有咫咫也。惠公使人持隼。如孔子館而

問焉。孔子曰：隼之來遠矣。此肅慎氏之矢。肅慎氏北

夷也。昔武王克商，通道于九夷百蠻。九夷，東方九種。百蠻，夷狄。

使各以其方賄來貢，而無忘職業。於是肅慎

氏貢楛矢石砮。其長尺有咫。先王欲昭其令德

之致遠物也，以示後人，使求鑒焉。故銘其楛曰：

肅慎氏貢楛矢。楛，箭也。楛，古楛反。以分大姬，配胡公

而封諸陳。大姬，武王女。胡公，舜之後。古者分同姓以珍玉，所

以展親也。分異姓以遠方之職，貢所以無忘

服也。故分陳以肅慎氏貢焉。君若使有司求諸

故府，其可得也。公使人求，得之，金牘如之。牘，匾也。

郊子朝魯，令人問曰：少昊氏以鳥名官，何也？魯人

叔孫昭子，少昊。金天氏也。郊徒其反。對曰：吾祖也。我知之。昔黃

帝以雲紀官，故為雲師而雲名。黃帝，軒轅氏。師，長也。雲紀其官。

長而為官名者也。炎帝以火，神農氏也。共工以水。共工，霸九

居容反。太昊以龍。包犧氏也。其義一也。火師而龍名也。龍師而龍名也。

我高祖少昊摯之立也。鳳鳥適至，是以紀之於

鳥，故為鳥師而鳥名。自顓頊氏以來，不能紀遠。

一本胡公  
上有虞字  
枯枯

火



一不故下有也字

入 周

乃紀於近為民師而命以民事則不能故言不能紀

遠方孔子聞之遂見郊子而學焉既而告人曰吾

聞之天子失官學在四夷猶信郊小國也故吳

曰中國不振旅蠻夷之伐吾亡無日矣孔子稱

官學在四夷疾時之廢學也郊少吳之後以其

世則遠矣以其國則小矣魯公之後以其世則

近矣以其國則大矣然其知禮不若郊子故孔子

發此言疾時之不學者也

邾隱公朝于魯子貢觀焉子貢時為魯大夫也邾子執玉

高其容仰定公受玉卑其容俯王所以王子貢曰

以禮觀之二君者將有死亡焉夫禮生死存亡

之體將左右周旋進退俯仰於是乎取之朝祀

喪戎於是乎觀之今正月相朝而皆不度不得其法

也心以亡矣嘉事不體朝聘亦嘉事也何以能

久高仰驕也卑俯替也驕近亂替近疾君為主

其先亡乎夏五月公薨又邾子出奔孔子曰賜

不幸而言中是賜多言

孔子在陳之侯就之燕焉子遊行路之人云魯

司鐸災司鐸官名及宗廟以告孔子之曰所及者其

桓僖之廟桓公僖公陳侯曰何以知之子曰禮祖有

子遊 衍文

家語卷四

十一



功而宗有德。故不毀其廟焉。今桓僖之親盡矣。又功德不足以存其廟。而魯不毀。是以天災也。三日。魯使至。問焉。則桓僖也。陳侯謂子貢曰。吾乃今知聖人之可貴。對曰。君今知之可矣。未若專其道而行。其化之善也。

陽虎既奔齊。自齊奔晉。適趙氏。孔子聞之。謂子路曰。趙氏其世有亂乎。子路曰。權不在焉。豈能為亂。孔子曰。非汝所知。夫陽虎親富而不親仁。有寵於季孫。又將殺之。不克而奔。求容於齊。齊人囚之。乃亡歸晉。是齊魯二國已去其疾。趙簡子好利而多信。必溺其說而從其謀。禍敗所終。非一世可知也。

季康子問於孔子曰。今周十二月。夏之十月。而猶有蝨。何也。孔子對曰。丘聞之。火伏而後蟄者畢。火大火心星也。蟄々虫也。今火猶西流。司歷過也。季康子曰。所失者幾月也。孔子曰。於夏十月火既沒矣。今火見。再失閏也。

吳王夫差將與哀公見晉侯。吳子魯哀公十三年。與晉侯會于黃



一本官下有伯  
二不無名字

子服景伯對使者曰。王合諸侯。則伯牽侯牧。以見於王。伯。王官。侯。牧。方伯。名。伯合諸侯。則侯率子男。以見於伯。伯。侯。牧也。今諸侯會。而君與寡君見。晉君則晉成爲伯矣。且執事以伯召諸侯。而以侯終之。何利之有焉。吳人乃止。既而悔之。遂囚景伯。景伯謂太宰嚭曰。魯將以十月上辛。有事于上帝。先王季辛而畢。有事。祭。所以。欺。吳也。何也。世有職焉。何。景伯。名。自襄已來。未之改也。襄。魯襄公。是也。若其不會。則祝宗將曰。其實然。嚭言於夫差。歸之。子貢聞之。見於

將

孔子曰。子服氏之子。拙於說矣。以實獲囚。以詐得免。孔子曰。吳子爲夷德可欺。而不可以實是聽者之蔽。非說者之拙也。  
叔孫氏之車士曰子鉏商。車士。姓也。鉏商。名也。採薪於大野。春秋經。魯哀公十四年。西狩獲麟。傳曰。採薪於大野。時實自獲麟焉。折其前左足。載以歸。叔孫以爲不祥。弃之於郭外。傳曰。以賜虞人。弃之郭外。使人告孔子曰。有麇而角者。何也。孔子往觀之。曰。麟也。胡爲來哉。々々々々。



反袂拭面。涕泣沾衿。叔孫聞之。然後取之。子貢問曰。夫子何泣爾。孔子曰。麟之至。為明王也。出非其時。而見害。吾是以傷焉。

哀公問政節十七

哀公問政於孔子。孔子對曰。文武之政。布在方策。方。其其人存。則其政舉。其人亡。則其政息。天道敏生。人道敏政。地道敏樹。夫政者也。猶蒲盧也。蒲盧。果蠃也。謂土蜂也。取螟蛉而化之。以為子。為政化百姓亦如之也。待化以成。故為政在於得人。取人以身。脩道以仁。仁者人

以脩身下脫  
一以道身

也。親親為大義者。宜也。尊賢為大親親之教。尊賢之等。禮所以生也。禮者。政之本也。是以君子不可以不脩身。思脩身。不可以不事親。思事親。不可以不知人。思知人。不可以不知天。天下之達道有五。其所以行之者三。曰君臣也。父子也。夫婦也。昆弟也。朋友也。五者。天下之達道。智仁勇三者。天下之達德也。所以行之者一也。或生而知之。或學而知之。或困而知之。及其知之。才也。或安而行之。或利而行之。或勉強而行之。及



一本者下有矣

其成功一也。公曰：子之言義矣。至矣。寡人實固，不足以成之也。孔子曰：好學近乎智，力行近乎仁，知耻近乎勇。知斯三者，則知所以脩身。知所以脩身，則知所以治人。知所以治人，則能成天下國家者，公曰：政其盡此而已乎。孔子曰：凡為天下國家者，有九經。曰：脩身也，尊賢也，親親也，敬大臣也，體群臣也，重庶民也，來百工也，柔遠人也，懷諸侯也。夫脩身則道立，尊賢則不惑，親親則諸父兄弟不怨，敬大臣則不眩，體群臣則士之報禮重，重庶民則百姓勸，來百工則財用足，柔遠人則四方歸之，懷諸侯則天下畏之。公曰：為之奈何。孔子曰：齊明盛服，非禮不動，所以脩身也。去詭遠色，賤財而貴德，所以尊賢也。爵其能，重其祿，同其好惡，所以篤親親也。官盛任使，所以勸大臣也。盛其官委使之也忠信重祿，所以勸士也。忠信者與重祿也時使薄歛，所以子百姓也。日省月考，既稟稱事，所以來百工也。稟，食之也。送，往也。寡，稱其事也。迎來嘉善而務不能，所以綏遠人也。繼絕世，舉



廢邦治亂持危朝聘以時厚往而薄來所以懷諸侯也治天下國家有九經其所以行之者一也凡事豫則立不豫則廢言前定則不跲路躓

跲治反躓利反

事前定則不困行前定則不疚道前

定則不窮在下位不獲于上民弗可得而治矣獲于上有道不信于友不獲于上矣信于友有道不順乎親不信于友矣順乎親有道反諸身不誠不順乎親矣誠身有道不明乎善不誠乎身矣誠者天之道也誠之者人之道也夫誠不勉

而中不思而得從容中道聖人之所由定體也誠之者擇善而固執之者也公曰子之教寡人備矣敢問行之所始孔子曰立愛自親始教民睦也立敬自長始教民順也教之慈睦而民貴有親教以敬而民貴用命民既孝於親又順以聽命措諸天下無所不可公曰寡人既得聞此言也懼不能果行而獲罪咎

宰我問於孔子曰吾聞鬼神之名而不知所謂敢問焉孔子曰人生有氣有魂氣者神之盛也



精氣盛者人。夫生必死。死必歸土。此謂鬼魂氣歸

天。此謂神。合鬼與神而享之。教之至也。合鬼神而事之

者。孝道之至。孝者教之所由生也。骨肉斃于下。化為野土。其氣

發揚于上。其此神之著也。聖人因物之精。制為

之極。極。中。制。中。法。明命鬼神以為民之則。明命。猶尊名。使民事

其祖也。而猶以是為未足也。故築為官室。設為宗

祧。宗。宗廟也。祧。遠廟也。天子特有。春秋祭祀。以

別親疎。教民反古復始。不敢忘其所由生也。衆

人眼自此聽且速焉。聽。謂慎也。教令也。教以二端。之之既

立。報以二禮。二端。謂薦黍稷也。二。建設朝事。薦腥也。

燔燎糝。所以報氣也。謂取蕭祭也。薦黍稷。謂

饋。脩肺肝。加以鬱鬯。所以報魄也。鬱。香也。此教

民脩本反古。復始崇愛。上下用情。禮之至也。能

不忘其所由生。然後能相愛也。上下。謂尊卑。用情。謂親也。君子反古復始。不

忘其所由生。是以致其敬。發其情。竭力從事。不

敢不自盡也。此之謂大教。昔者文王之祭也。事

死如事生。思死而不欲生。忌日則必哀。稱諱則

如見親。祀之忠也。思之深。如見親之所愛。祭欲

不以作詔無者字

承人作之此下有故

承二端下有詔  
薦上有朝事與



一本之下有則文王之智與祭之明明發不寐有懷二人十八字

下已字註誤入本文

見親之顏色者其唯文王與。詩云。明發不寐。有懷二人。敬而致之。又從而思之。祭之日。樂與哀半。饗之必樂。已至必哀。已。至。謂祭事已畢。不知親饗否。故哀。孝子之情也。文王為能得之矣。

孔子家語卷第四

孔子家語卷第五

顏回第十八

魯定公問於顏回曰。子亦聞東野畢之善御乎。對曰。善則善矣。雖然。其馬將必佚。定公色不悅。謂左右曰。君子固有誣人也。顏回退。後三日。牧來訴之。曰。東野畢之馬佚。兩駮曳。兩服入于廐。公聞之。越席而起。促駕召顏回。至。公曰。前日寡人問吾子以東野畢之善御。而子曰善則善矣。其馬將佚。不識吾子奚以知之。顏回對曰。以



政知之。昔者帝舜巧於使民，造父巧於使馬，舜不窮其民力，造父不窮其馬力，是以舜無佚民，造父無佚馬。今東野畢之御也，升馬執轡，銜體正矣。馬宜為車步驟馳騁，朝禮畢矣。馬步驟馳騁，盡禮之儀也。歷險致遠，馬力盡矣。然而猶乃求馬不已，臣以此知之。公曰：善，誠若吾子之言也。吾子之言，其義大矣。願少進乎。顏回曰：臣聞之，鳥窮則喙，獸窮則攫，人窮則詐，馬窮則佚。自古及今，未有窮其下而能無危者也。公悅，遂以告孔子。孔子對曰：

夫其所以為顏回者，此之類也。豈足多哉。

孔子在衛，昧且晨興，顏回侍側，聞哭者之聲甚哀。子曰：回，汝知此何所哭乎？對曰：回以此哭聲非但為死者而已，又有生離別者也。子曰：何以知之？對曰：回聞桓山之鳥，生四子焉，羽翼既成，將分于四海，其母悲鳴而送之，哀聲有似於此，謂其往而不返也。回竊以音類而知之。孔子使人問哭者，果曰：父死，家貧，賣子以葬，與之長決。子曰：回也善於識音矣。顏回問於孔子曰：成人



之行若何。子曰：達于情性之理，通於物類之變。

知幽明之故，覩游氣之原。若此，可謂成人矣。既

能成人，而又加之以仁義禮樂，成人之行也。若

乃窮神知禮，德之盛也。禮宜為化。顏回問於孔子曰：臧

文仲、武仲，孰賢？孔子曰：武仲賢哉。顏回曰：武仲

世稱聖人，而身不免於罪，是智不足稱也。武仲為季

氏廢適立庶為孟好言兵討而挫銳於邾，是智

不足名也。武仲與邾戰而敗績，國人頌之曰：我

夫文仲，其身雖歿而言不朽，惡有未賢之言故。

下侏儒下當重有侏儒二字

以為孔子曰：身歿言立，所以為文仲也。然猶有

不仁者三，不智者三，是則不及武仲也。回曰：可

得聞乎？孔子曰：下展禽。展禽，柳下惠，知其賢而

也置六關。六關，六名，魯本無此關。文仲置之，以

妾織蒲。傳曰：織蒲，令席也。言文仲三不仁，設虛

器。居茶，天子之守龜也。非縱逆祀。夏公弗忌為

於閔公之上。文祠海鳥。海鳥止于魯東門之上，

仲縱而不禁也。三不智，武仲在齊，齊將有禍，不受其田，以

避其難。武仲奔齊，齊莊公與之田，武仲知莊是

父宗伯

文仲下當有不知字

與之上當有將字



為一本作謂

常一本作此

智之難也。夫臧武仲之智而不容於魯，抑有由焉。作而不順，施而不恕也。夫不順不恕為廢適立庶武仲之所以

然欲為施於季氏也。夏書曰：念茲在茲，順事愬施。念此在其施也。

顏回問於孔子，孔子曰：愛近仁，度近智。

度事而行，近於智也。○度達各反。為己不重，為人輕，君子也。

夫不重為人。回曰：敢問其次。子曰：弗學而行，弗思而

得，小子勉之。仲孫何忌問於顏回曰：仁者一言

而必有益於仁，智者一言而有益於智，莫如預。一言而有益於仁，莫如恕。夫智所

不可由，斯知所由矣。顏回問小人，孔子曰：毀人之善，以為辯，狡訐懷詐，以為智。幸人之有過，耻

學而羞不能，小人也。顏回謂子路曰：力猛於德

而得其死者，鮮矣。盍慎諸焉。孔子謂顏回曰：人

莫不知此道之美，而莫之御也。御猶待也。莫之為也，

何居。為聞者，盍日思也。夫為聞者，日有聞而後思。顏回問

於孔子曰：小人之言，有同乎君子者，不可察也。

孔子曰：君子以行言，小人以舌言。君子於為義

之上，相疾也。退而相愛。相疾急欲相勸，令為仁義。小人於為

一本不可下有不可

一本多聞下有道謂言者也



亂之上相愛也。退而相惡。樂並為亂。是以相愛。小人之情不能久親。

也。顏回問朋友之際如何。孔子曰：君子之於朋

友也，心必有非焉，而弗能謂。吾不知其仁人也。

不忘久德，不思久怨，仁矣夫。叔孫武叔見未仕

於顏回，回曰：賓之。武叔多稱人之過，而已評論

之。顏回曰：固子之來辱也。宜有得於回焉。吾聞

諸孔子曰：言人之惡，非所以美已。言人之枉，非

所以正已。故君子攻其惡，無攻人之惡。顏回謂

子貢曰：吾聞諸夫子，身不用禮而望禮於人，身

不用德而望德於人，亂也。夫子之言，不可不思

子路初見第十九

子路初見孔子，子曰：汝何好樂？對曰：好長劍。孔

子曰：吾非此之問也。徒謂以子之所能而加之

以學問，豈可及乎？子路曰：學豈益也哉？孔子曰：

夫人君而無諫臣，則失正。士而無教友，則失聽。

御狂馬不釋策。御狂馬者，不操弓不反檠。檠，弓不

檠，然後木受繩則直，人受諫則聖。受學重問，孰

吳注  
仕嘗  
作侍



不順哉。毀仁惡士，必近於刑。謂毀仁者，憎惡士人，必主於刑也。

君子不可不學。子路曰：南山有竹，不揉自直，斬

而用之，達于犀革。以此言之，何學之有？孔子曰：

括而羽之，鏃而礪之，其入之不亦深乎？子路再

拜曰：敬而受教。子路將行，辭於孔子。子曰：予贈

汝以車，贈汝以言乎？子路曰：請以言。孔子曰：不

強不達，人不能以強力，則不能自達。不勞無功，不忠無親，不信

無獲。信近於義，言可復也。今而不信，則無可復。不恭失禮，慎此五者

而已。子路曰：由請終身奉之。敢問：親交取親，若

何？言寡可行，若何？長為善事而無犯，若何？孔子

曰：汝所問，包在五者中矣。親交取親，其忠也。言

寡可行，其信也。長為善事而無犯，其禮也。孔子

為魯司寇，見季康子，康子不悅。當為桓子也。孔子

又見之，宰予進曰：昔予也嘗聞諸夫子曰：王公

不我聘，則弗動。今夫子之於司寇也，日少。謂在

官必而屈節數矣。謂屈節數見於季孫，不可以已乎。孔子

曰：然。魯國以衆相陵，以兵相暴之日久矣。而有

司不治，則將亂也。其聘我者孰大於是哉？言聘我使







一季以作與

笑。公曰。黍者所以雪扶雪。桃非為食之也。孔子對曰。丘知之矣。然夫黍者。五穀之長。郊祀廟。以為上盛。果屬有六。而桃為下。祭祀不用。不登郊廟。丘聞之。君子以賤雪。貴不聞以貴雪。賤今以五穀之長。雪果之下者。是從上雪下。臣以為妨於教。害於義。故不敢。公曰。善哉。子貢曰。陳靈公宜媼於朝。虛公與編共媼夏媼。泄治正諫而殺之。是以比干諫而死。同。可謂仁乎。子曰。比干於紂。親則諸父。官則少師。忠報之心。在於宗廟而已。固必以死

爭之。冀身死之後。紂將悔悟。其本志情在於仁者也。泄治之於靈公。位在大夫。無骨肉之親。懷寵不去。任於亂朝。以區々之一身。欲正一國之姪昏。死而無益。可謂捐矣。詩云。民之多辟。無自立辟。辟。僻邪。法。其泄治之謂乎。孔子相魯。齊人患其將霸。欲敗其政。乃選好女子八十人。衣以文飾。而舞容璣。容璣。舞曲。及文馬四十駟。駟。四馬也。以遺魯君。陳女樂。列文馬于魯城南高門外。季桓子微服往觀之。再三。將受焉。告魯君為周道遊觀。觀之終



本以作已

日怠於政事。子路言於孔子曰：夫子可以行矣。孔子曰：魯今且郊。若致膳於大夫。膳，祭也。是則未廢其常，吾猶可以止也。桓子既受女樂，君臣嬉荒三日，不聽國政。郊又不致膳俎。孔子遂行，宿於郭屯。師以送曰：夫子非罪也。孔子曰：吾歌可乎？歌曰：彼婦人之口，可以出走；彼婦人之謁，可以死敗。言婦人口請謁，足以死敗，故可出走。優哉游哉，聊以卒歲。言士不遇優遊，以終歲也。澹臺子羽有君子之容，而行不勝其貌。宰我有文雅之辭，而智不充其辯。孔子

曰：里語云：相馬以輿，相士以居，弗可廢矣。以容取人，則失之子羽；以辭取人，則失之宰予。孔子曰：君子以其所不能畏人，小人以其所不能不信人。故君子長人之才，小人抑人而取勝焉。孔篋問行已之道，子曰：知而弗為，莫如勿知；親而弗信，莫如勿親；樂之方至，樂而勿驕；患之將至，思而勿憂。孔篋曰：行已乎？子曰：攻其所不能，補其所不足，毋以其所不能疑人，毋以其所能驕人。終日言無遺已之憂，終日行不遺已患，惟智



者有之。

在厄第二十

楚昭王聘孔子。孔子往拜禮焉。路出于陳蔡。陳蔡大夫相與謀曰。孔子聖賢其所刺譏。皆中諸侯之病。若用於楚。則陳蔡危矣。遂使徒兵距孔子。不得行。絕糧七日。外無所通。藜藿不充。從者皆病。孔子愈慷慨。講絃歌不衰。乃召子路而問焉。曰。詩云。匪兕匪虎。率彼曠野。率。循也。言非兕也。虎而循曠野也。吾道非乎。奚為至於此。子路慍作色而對曰。君

一本孔子下重有字

子無取困意者。夫子未仁與。人之弗吾信也。言人

不信。豈以未仁故也。意者夫子未智與。人之弗吾行也。言人

不使通行而困窮者。豈以吾未智也。且由也。昔者聞諸夫子曰。為

善者。天報之以福。為不善者。天報之以禍。今夫

子積德懷義。行之久矣。奚居之窮也。子曰。由未

之識也。吾語汝。汝以仁者為必信也。則伯夷叔

齊不餓死首陽。汝以智者為必用也。則王子比

干不見剖心。汝以忠者為必報也。則關龍逢不

見刑。汝以諫者為必聽也。則伍子胥不見殺。夫

一本信下有言字

乎 乎



遇不遇者時也。賢不肖者才也。君子博學深謀

而不遇時者衆矣。何獨丘哉。且芝蘭生於深林

不以無人而不芳。君子修道立德，不為窮困而

改節。為之者人也。生死者命也。是以晉重耳之

有霸心，生於曹衛。重耳，晉文公。為公子時，出奔，困於曹衛。越王勾

踐之有霸心，生於會稽。言越王之有霸心，乃故生困於會稽之時也。故

居下而無憂者，則思不遠；處身而常逸者，則志

不廣。庸知其終始乎。庸，用也。汝何用知其終始。或者若久公越王之時也。

子路出，召子貢，告如子路。子貢曰：「夫子之道至

大，故天下莫能容。夫子盍少貶焉。」子曰：「賜，良農

能稼，不必能穡。種之為稼，欽之為穡。言良農能種之，未必能欽獲之也哉。

良工能巧，不能為順。言良工能巧，不能每順人意也。君子能脩

其道，綱而紀之，不必其能容。今不脩其道而求

其容，賜，爾志不廣矣。思不遠矣。」子貢出，顏回入

問，亦如之。顏回曰：「夫子之道至大，天下莫不能

容。雖然，夫子推而行之，世不我用。有國者之醜

也。夫子何病焉。不容然後見君子。孔子欣然歎

曰：「有是哉。顏氏之子，吾亦使爾多財，吾為爾宰。」

善

不衍  
文

吾亦  
衍文



宰。主財者。爲故。  
主財。意志同也。

子路問於孔子曰。君子亦有憂乎。子曰。無也。君子之修行也。其未得之。則樂其意。既得之。又樂其治。是以有終身之樂。無一日之憂。小人則不然。其未得也。患弗得之。既得之。又恐失之。是以有終身之憂。無一日之樂也。曾子弊衣而耕於魯。魯君聞之。而致邑焉。曾子固辭不受。或曰。非子之求。君自致之。奚固辭也。曾子曰。吾聞受人施者。常畏人。與人者。常驕人。縱君有賜。不我驕也。

齊

也。吾豈能勿畏乎。孔子聞之。曰。參之言。足以全其節也。孔子厄於陳蔡。從者七日不食。子貢以所賣貨。竊犯圍而出。告糴於野人。得米一石焉。顏回仲由炊之於壤屋之下。有埃墨墮飯中。顏回取而食之。子貢自井望見之。不悅。以爲竊食也。人問孔子曰。仁人廉士。窮改節乎。孔子曰。改節。即何稱於仁廉哉。子貢曰。若回也。其不改節乎。子曰。然。子貢以所飯告孔子。子曰。吾信回之爲仁久矣。雖汝有云。弗以疑也。其或者有。必有



故乎。汝止。吾將問之。召顏回曰。疇昔予夢見先人。豈或啓祐我哉。子炊而進飯。吾將進焉。對曰。向有埃墨。隨飯中。欲置之。則不潔。欲棄之。則可惜。回即食之。不可祭也。孔子曰。然乎。吾亦食之。顏回出。孔子顧謂二三子曰。吾之信回也。非待今日也。二三子由此乃服之。

入官第二十一

子張問入官於孔子。入官謂當官治民之職也。孔子曰。安身取譽為難。子張曰。為之如何。孔子曰。已有善勿

一本無者字

專。雖有善。當與下共之。教不能勿怠。已過勿

發。言人己過。誤無所傷。害勿發。揚。失言勿稽。有人失角。不善勿

遂。已有不善。行不行事勿留。且行留。轉。君子入官。自

此六者。則者。身安譽至而政從矣。無違其政也。且夫忿

數者。官獄所由生也。距諫者。慮之所以塞也。慢

易者。禮之所以失也。怠惰者。時之所以後也。奢

侈者。財之所取以不足也。專獨者。事之所以不成

也。君子入官。除此六者。則身安譽至而政從矣。

故君子南面臨官。大域之中而公治之。大域猶

別下獄上無名

家語卷五

家語卷五

十一



精智而畧行之以精知之略行之困合是忠信考是

大倫存是美惡進是利而除是害無求其報焉

而民之情可得也夫臨之無抗民之惡治民無

也志勝之無犯民之言言以慎勝民量之無佞民之

辭佞施政辭不周民也養之無擾於其時愛之無

寬於刑法言雖愛民不可寬於刑法若此則身

安譽甚至而民得也君子南以臨官所見則邈故明

不可蔽所見邈謂所求察於微也邈故不勞而得也所

勞而得也者近故不所以治者約故不用衆而譽立凡法

象在內故法不遠而源泉不竭法不遠而在於內

不竭是以天下積而本不寡言天下之事皆積

本非徒不寡短長得其量人志治而不亂政德貫

乎心藏乎志形乎色發乎聲若此而身安譽甚至

民咸自治矣是故臨官不治則亂之生則爭之

者至爭之至又於亂小亂則爭之大亂至之甚明君必

寬宥以容其民慈愛優柔之而民自得矣行者

政之始也行爲政始言民從行不說者情之導

也言說者位善政行易而民不怨言善政行簡

裕

家語卷五

十三



以者也。易言調說和則民不變。事謂通也。言通於

不法在身。則民象之。躬則民法之。明在已。則民

顯之。若乃供已而不節財。則財利之生者微矣。

言自供不節於財。之不可供。生財之道微矣。不貪以不得。則善政必簡

矣。言徒貪於不得財。善政必不

聽也。詳以納之。則規諫日至。言納善言之善者在

所日聞。行於今日也。行之善者在所能為。故君

上者。民之儀也。有司執政者。民之表也。邇臣便

僻者。群僕之倫也。僻宜為僻。便僻。執事在君之

故儀不正。則民失表。表不端。則百姓亂。邇臣便僻

則群臣汙矣。是以人主不可不敬乎三倫。君子

脩身。反道察理。言而服之。行服。則身安譽至。終始

在焉。故夫女子必自擇絲麻。良工必自擇完材。

賢君必自擇左右。勞於取人。佚於治事。君子欲

譽。則必謹其左右。為上者譬如緣木馬。務高而

畏下。茲甚。六馬之乖離。必於四達之交衢。萬民

之叛道。必於君上之失政。上者尊嚴而危民者

卑賤而神。君有愛惡之心。感愛之則存。惡之則



吳注  
世嘗  
作德

亡。長民者必明此之要。故南面臨官貴而不驕。富而能供。供宜為共。古恭字也。有本而能圖末。脩事而能建業。既能建立。治奮事也。又久居而不滯。情近而知遠。故察一物而貫乎多。治一物而萬物不能亂者。以身本者也。君子涖民。不可以不知民之性。而達諸民之情。既知其性。又習其情。然後民乃從命矣。故世舉則民親之。政均則民無怨。故君子涖民。不臨以高。不抗。揚也。不導以遠。不責民之所不為。不強民之所不能。以明王之功。不因其情。

迎 弦 弦

柔

則民嚴而不迎。迎。奉也。民嚴畏其教。為之以累年之業。不因其力。則民引而不從。引。隨也。若教之不堪。則民引也。而若責民所不為。強民所不能。則民疾。々則僻矣。民疾。其心。生。即古者聖主冕而前旒。所以蔽明也。絃統充耳。所以掩聰也。水至清即無魚。人至察則無徒。枉而直之。使自得之。優而柔之。使自求之。優。寬也。和也。揆而度之。使自索之。揆。度其法以開示也。民有小罪。必求其善。以救其過。民有大罪。必原其故。以仁輔化。如有



死罪。其使之生則善也。是以上下親而不離道。化流而不蘊。蘊。滯也。故德者政之始也。政不和則民不從其教矣。不從教則民不習。不習則不可得而使也。君子欲言之見信也。莫善乎先虛其內。虛其內。謂直道而行。無情欲也。欲政之速行也。莫善乎以身先之。欲民之速服也。莫善乎以道御之。故雖服必強。強言民雖服必威也。自非忠信則無可以取親於百姓者矣。內外不相應則無以取信於庶民者矣。此治民之至道矣。入官之大統矣。子張

既聞孔子斯言。遂退而記之。

困誓第二十二

虔

子貢問於孔子曰。賜倦於學。困於道矣。願息而事君。可乎。孔子曰。詩云。溫恭朝夕。執事有恪。敬也。事君之難也。焉可以息哉。焉於反。曰。然則賜願息而事親。孔子曰。詩云。孝子不匱。求錫爾類。匱。能也。類。善也。孝子之道。不匱竭者。能以類相傳。長錫亦以善道也。事親之難也。焉可以息哉。曰。然則賜請願息於妻子。孔子曰。詩云。刑于寡妻。至于兄弟。以御于家邦。刑。法也。御。正也。



茅

也。姓。文。王。以。正。治。天。下。之。寡。妻。至。于。同。妻。子。之。難。也。

焉可以息哉。曰。然。賜。願。息。於。朋友。孔子曰。詩云。

朋友攸攝攝以威儀。朋友之難也。焉可以息哉。

曰。然。則。賜。願。息。於。耕。矣。孔子曰。詩云。晝爾于茅。

宵爾索綯。亟其乘屋。其始播百穀。宵。夜。綯。絞。也。當。以。時。治。屋。

也。亟。疾。也。當。亟。乘。爾。屋。以。善。治。之。耕。之。難。也。焉。

可以息哉。曰。然。則。賜。將。無。所。息。者。也。孔子曰。有

焉。自望其廣則臯如也。廣。宜。為。廣。臯。高。貌。也。廣。而。高。家。是。也。○。廣。古。曠。

反。視。其。高。則。墳。如。也。墳。壘。實。貌。也。家。察。其。從。則。

隔如也。言。其。隔。而。不。得。復。相。從。也。此。其。所。以。息。也。矣。子。貢。曰。

大哉乎死也。君子息焉。小人休焉。大哉乎死也。

孔子自衛將入晉。至河。聞趙簡子殺竇犢。鳴犢

及犇華。乃臨河而歎曰。美哉水。洋洋乎。丘之不

濟。此。命。也。夫。子。貢。趨。而。進。曰。敢。問。何。謂。也。孔子

曰。竇犢。鳴犢。犇華。晉之賢大夫也。趙簡子未得

志之時。須此二人。而後從政。及其已得志也。而

殺之。丘聞之。刳胎殺夭。則麒麟不至其郊。竭澤

而漁。則蛟龍不處其淵。覆巢破卵。則鳳皇不翔。



操

其色何則君子違傷其類者也。違去也。違為讒也。違為獸

之於不義尚知避之况於人乎遂還息於鄒作

槃琴以哀之。槃操也。琴曲名也。子路問孔子曰有人於此

夙興夜寐耕耘樹藝手足胼胝以養其親然而

名不稱孝何也孔子曰意者身不敬與辭不順

與色不悅與古之人有言曰人與已與不汝欺

言人與已事實相通不相欺也今盡力養親而無三者之闕何

謂當作為

謂無孝之名乎孔子曰由汝志之吾語汝雖有國士之力而不能自舉其身非力之少勢不可

矣夫內行不修身之罪也行修而名不彰友之

罪也行修而名自立故君子入則篤行出則交

賢何為無孝名乎孔子遭厄於陳蔡之間絕糧

七日弟子餒病孔子絃歌子路入見曰夫子之

歌禮乎孔子弗應曲終而曰由來吾語汝君子

好樂為無驕也小人好樂為無懼也。懼懼也。夫涉反。○懼

其誰之子不我知而從我者乎。其誰之子猶言以誰氏子。謂

子路也。雖從我而不知我也。子路悅接戚而舞三終而出明

日免於厄子貢執轡曰二三子從夫子而遭此



詩下之諫二字

命之本作命也  
大三字

難也。其弗忘矣。孔子曰：善惡何也？善子貢言也。惡何猶言是也。何？夫陳蔡之間，丘之幸也。二三子從丘者皆幸也。吾聞之：君上不困，不成王；烈士不困，行不彰。庸知其非激憤厲志之始？於是乎在。孔子之宋，匡人簡子以甲士圍之。子路怒，奮戟將與之戰。孔子止之，曰：惡有修仁義而不免世俗之惡者乎？詩之諫，書之不講，禮樂之不習，是丘之過也。若以述先王好古法而為咎者，則非丘之罪也。命之歌，予和汝。子路躑躅而歌，孔子和之。曲三

終。匡人解甲而罷。

○惡有為故反。和，和聲。反，下同。

孔子曰：不觀

高崖，何以知顛墜之患；不臨深泉，何以知沒溺之患；不觀巨海，何以知風波之患。失之者，其不在此乎？不在此三者之域也。士慎此三者，則無累於身矣。

子貢問於孔子曰：賜既為人下矣，而未知為人下之道，敢問之。子曰：為人下者，其猶土乎？汨之深，則出泉；汨，掘也。樹其壤，則百穀滋焉；草木植焉，禽獸育焉；生則出焉，死則入焉。多其功而無其意，功雖多而無其意也。恢其志而無不容，為人下者當恢弘其志如地無所不



也。容為人下者以此也。孔子適鄭與弟子相失，獨

立東郭門外。或人謂子貢曰：東門外有一人焉，

其長九尺，有六寸，河目隆額。河目，上長，額下匡平，其

頭似堯，其頸似臯陶，其肩似子產，然自腰已下，

不及禹者三寸，儼然如喪家之狗。喪家狗，主人

食，故儼然不得意。孔子生於亂世，道不得行，故儼然有不得意之貌也。○儼，倫追反。子貢

以聞孔子欣然而歎曰：形狀未也，如喪家之狗，

然乎哉！孔子適衛，路出于蒲，會公叔氏

以蒲叛衛而止之。孔子弟子有公良儒者，為人

賢，長有勇力，以私車五乘從夫子行。喟然曰：昔

吾從夫子，遇難于匡，又伐樹於宋。孔子與弟子

之下，桓魋欲害之，故先伐其樹焉。○難，乃且反。今遇困於此，命也夫。與

其見夫子仍遇於難，寧我鬪死，挺劍而合眾，將

與之戰。蒲人懼曰：苟無適衛，吾則出子以盟孔

子，而出之東門。孔子遂適衛。子貢曰：盟可負乎？

孔子曰：要我以盟，非義也。衛侯聞孔子之來，喜

而於郊迎之，問伐蒲對曰：可哉。公曰：吾大夫以

為蒲者，衛之所以待晉楚也，伐之無乃不可乎？

聞一本作告 是

以一本作乃



大事本志下有  
婦人有保西河  
之志八字為是

孔子曰其男子有死之志。公叔氏欲以蒞適他國故男子欲死之不樂

也吾之所伐者不過四五人矣。本與公叔同畔者也公曰

善卒不果伐他日靈公又與夫子語見飛鴈過

而仰視之色不悅孔子乃逝。行也衛蘧伯玉賢而

靈公不用彌子瑕不肖反任之史魚驟諫而不

從史魚病將卒命其子曰吾在衛朝不能進蘧

伯玉退彌子瑕是吾為臣不能正其君也生而

不能正其君則死無以成禮我死汝置屍牖下

於我畢矣。禮飲於牖下小飲於戶內大飲於階殯於客位也其子從之

靈公弔焉怪而問焉其子以其父言告公公愕

然失容曰是寡人之過也於是命之殯於客位

進蘧伯玉而用之退彌子瑕而遠之孔子聞之

曰古之烈諫之者死則已矣未有若史魚死而

屍諫忠感其君者也不可謂直乎

五帝德第二十三

宰我問於孔子曰昔者吾聞諸榮伊曰黃帝三

百年請問黃帝者人也抑非人也何以能至三

百年乎孔子曰禹湯文武周公不可勝以觀也



終久

而主世黃帝之問。將謂先生難言之故乎。言湯已

下。不可勝觀。乃問上世黃帝。宰我曰。上世之傳。將為先生生長老難言之。故問。

隱微之說。卒采之辯。采。事也。辯。說也。卒。其

意。聞忽。反。遠。不明。非君子之道者。則予之問也。固矣。固。固

不得。孔子曰。可也。吾畧聞其說。黃帝者。少典之

子。曰。軒轅。生而神靈。弱而能言。招睿齊莊。敦敏

誠信。長聰明。治五氣。五行之氣。○設五量。五量。推衡

升。斛。尺。丈。里。步。十。百。○量。力。讓。反。撫萬民。度四方。南。度。四。方。而。撫。安。之。服。

牛乘馬。擾馴。猛獸。以與炎帝戰于阪泉之野。炎帝。

南

財

神農氏。之後也。三戰而後克之。始垂衣裳。作為黼黻。白與

黑。謂之黼。若斧文。黑與青。謂之黻。若兩已相戾。治民以順天地之紀。知

幽明之故。若死生存亡之說。播時百穀。時。是。嘗。味。

草木。仁厚及於鳥獸。昆蟲。考日月星辰。勞耳目。

勤心力。用水火。則物以生民。々賴其利。百年而

死。民畏其神。百年而亡。民用其教。百年而移。故

曰。黃帝三百年。宰我曰。請問帝顓頊。孔子曰。五

帝用說。三王有度。五帝久遠。故用說也。三王。邇。則有成。法。度。汝欲一

日。徧聞遠古之說。躁我予也。宰我曰。昔予也。聞



智下當有遠字

諸天子曰小子毋或宿故敢問有所問當問孔子曰顓頊黃帝之孫昌意之子曰高陽淵而有謀疏通以智養財以任地履時以象天依鬼神而制義治氣性以教衆索誠以祭祀巡四海以寧民北至幽陵南暨交趾西抵流沙東極蟠木動靜之生小大之物日月所照莫不底屬底平皆平而來宰我曰請問帝嚳孔子曰玄枵之孫○枵虛驩極之子曰高辛生而神異自言其名博施厚利不於其身聰以知遠明以察微仁以

仁以當作仁而

寫一本作之

威惠尚信以順天地之義知民所急脩身而天下服取地之財而節用焉撫教萬民而誨利之歷日月之生朔而迎送之明鬼神而敬事之其色也和其德也重其動也時其服也表春夏秋冬育護天下日月所照風雨所至莫不從化宰我曰請問帝堯孔子曰高辛氏之子曰陶唐其仁如天其智如神就之如日望之如雲富而不驕貴而能降伯夷典禮夔龍典樂舜時夔典樂龍作納言然則堯時龍亦舜時而仕趨視四時務先氏始之

則堯時龍亦舜時而仕趨視四時務先氏始之

舜時而仕趨視四時務先氏始之



也

敦

務先民事。流四凶而天下服。其言不惑。其德不

回。四海之內。舟輿所及。莫不夷說。夷。平。說。古。通。以為悅字。

宰我曰。請問帝舜。孔子曰。奮牛之孫。瞽瞍之子

也。曰。有虞舜。孝友聞於四方。陶漁事親。為陶器。躬捕魚。

以養父母。寬裕而溫良。敏而知時。畏天而愛民。恤

遠而親近。兼受大命。依于二女。堯妻舜以二女。舜動靜謀之。友

女。睿明知通。為天下帝。命二十二臣。率堯舊職。

躬已而已。天平地成。巡狩四海。五載一始。三十

年在位。嗣帝五十載。陟方岳。死于蒼梧之野。而

葬焉。宰我曰。請問禹。孔子曰。高陽之孫。鯀之子

也。曰。夏后。敏給克齊。其德不爽。爽。或。其仁可親。其

言可信。聲為律。身為度。以身為法。度也。壺々穆々。為紀

為綱。其功為百神之主。禹治水。天下既平。其惠

為民父母。左準繩。右規矩。左右言。帝用也。履四時。所行

四時之宜。據四海。任臯陶。伯益。以贊其治。興六師。以

征不序。四極之民。莫敢不服。孔子曰。予大者如

天。小者如言。民悅至矣。予也非其人也。言不足

帝之德也。宰我曰。予也不足以戒。敬兼矣。他日宰我

序當  
作庭



以語子貢。子貢以復孔子。子曰：吾欲以顏狀取人也。則於滅明改之矣。吾欲以辭言取人也。則於宰我改之矣。吾欲以容貌取人也。則於子張改之矣。宰我聞之，懼弗敢見焉。

孔子家語卷第五



